

ছোট রামায়ণ



উপেন্দ্রকিশোর রায়চৌধুরী

সিগনেট প্রেস

কলকাতা ২৩

দ্বিতীয় সিগনেট সংস্করণ
জ্যৈষ্ঠ ১৩৭০

প্রকাশক
দিলীপকুমার গুপ্ত
সিগনেট প্রেস
২৫।৪ একবালপুর রোড
কলকাতা ২৩

ছবি এঁকেছেন
ধীরেন ব্রহ্ম


প্রচ্ছদপট
সত্যজিৎ রায়

সহায়তা করেছেন
পীযুষ মিত্র

মুদ্রক
মন্মথনাথ পান
কে. এম. প্রেস
১।১ দীনবন্ধু লেন
কলকাতা ৬


প্রচ্ছদপট মুদ্রক
রে এ্যাণ্ড কোম্পানী
৫এ ম্যাজ লেন
কলকাতা


বাল্মীকির তপোবন তমসার তীরে
ছায়া তার মধুময়, বায়ু বহে ধীরে,
স্বখে পাখি গায় গান ফোটে কত ফুল,
কিবা জল নিরমল, চলে কুল-কুল ।
মুনির কুটিরখানি গাছের তলায়,
চঞ্চল হরিণ খেলে তার আঙিনায় ।
রামায়ণ লিখিলেন সেথায় বসিয়া,
সে বড় সুন্দর কথা, শুন মন দিয়া ।



সরযু নদীর তীরে অযোধ্যা নগর,
 দেবতার পুরী হেন পরম সুন্দর ।
 সোনা মণি মুকুতায় করে ঝলমল,
 ছায়া লয়ে খেলে তার সরযুর জল ।
 বড় ভালো দশরথ সে দেশের রাজা,
 দুঃখী জনে দেন সুখ, শঠে দেন সাজা ।
 রানী তাঁর তিনজন, পরীর মতন,
 দেবতা সেবায় সদা কোঁশল্যার মন ।
 কৈকেয়ী রূপসী বড়, থাকেন আদরে,
 সুমিত্রা সরলা তাঁর মুখে মধু ঝরে ।

ছেলে নাই, আহা তাই ব্যথা বড় মনে,
 কত পূজা করে রাজা আনি মুনিগণে ।
 আসিলেন ঋষ্যশৃঙ্গ মুনিমহাশয়,
 শিঙ নেড়ে কথা কন, দেখে লাগে ভয় ।
 ভারি যজ্ঞ করিলেন সেই মুনিবর,
 ‘পুত্রেষ্ট্রি’ তাহার নাম, দেখিতে সুন্দর ।
 আগুনে ঢালিয়া স্নত, যত মুনিগণে
 স্নগভীর স্নরে মন্ত্র পড়েন সঘনে ।
 সে আগুন হতে তায়, পায়স লইয়া,
 লালবেশে দেবদূত আসিল উঠিয়া ।





স্নেহে মিলে চারি ভাই, খেলা করে এক ঠাই,
 হয়ে সবে এক প্রাণ মন,
 লেখাপড়া যত হয়, সকল শিখিয়া লয়,
 যাহা কিছু জানে গুরুজন ।
 তীর খেলা কত মতো, শিখিল তা, কব কত ?
 মহাবীর হল চারি ভাই,
 যারে ধরে একবার, আকাশ পাতালে তার
 পালাবার নাহি রহে ঠাই ।

একদিন রাজা আছেন বসিয়া
 সিংহাসনে আপনার,
 বিশ্বামিত্র মুনি এমন সময়ে
 এলেন সভায় তাঁর ।
 রাজা কন, ‘প্রভু, কিসের লাগিয়া,
 আসিলেন মোর পাশ ?’
 মুনি কন, ‘হায় দুষ্ক নিশাচর
 সকল করিল নাশ ।
 লুকায়ে আসিয়া রকত ঢালিয়া
 মোর যজ্ঞ করে মাটি,
 দিন কয় তরে দেহ গো রামেরে,
 রাক্ষস দিবে সে কাটি ।’
 ত্রাসে দশরথ কহেন কাঁপিয়া
 ‘তাও কি কখনো হয় ?

রাম্ফসের মুখে কেমনে বাছারে
 পাঠাইব মহাশয় !'
 শুনিয়া অমনি উঠিলেন মুনি
 বিমম রোষেতে জ্বলি ;
 হয় সর্বনাশ দেন বুঝি শাপ
 না জানি কি কথা বলি !
 ভয়ে সভাজনে কহে, 'মহারাজ !
 দেহ দেহ রামে আনি,
 ভালো হবে তার, মুনির কৃপায়,
 না হবে কোনোই হানি ।'
 শুনিয়া তখনি রাম লক্ষ্মণেরে
 দেন রাজা আনাইয়া ।
 মহা খুশি হয়ে যান মুনি তায়
 দুইটি ভাইকে নিয়া ।

রণবেশে দুই ভাই সাজি তারপর,
 মুনির সহিত যান লয়ে ধনু শর ।
 গুরুজন খান চুমো তাঁদের মাথায়,
 দেবতার নাম লয়ে করেন বিদায় ।
 পথে রাম শিখিলেন সরযুর তটে
 দুই বিঘা অদ্ভুত মুনির নিকটে ।
 এক তার 'বলা', তাহে যায় রোগ ভয়,
 'অতিবলা' আর, তাতে হয় রণে জয় ।
 দুইদিন পরে তাঁরা হন গঙ্গা পার,





তারপরে ঘন বন, বড় অন্ধকার ।
রামেরে বলেন মুনি, 'হেথায়, রে ধন,
তাড়কা রাক্ষসী থাকে বিকট বদন ।
রক্তখাকী হতভাগী ভারি বল ধরে,
লোকজন মেরে বন করেছে নগরে ;
এই পথে যেই যায়, তারে খায় গিলে,
আপদে মারহ বাপ ছুই ভাই মিলে ।'

মরিবে রাক্ষসী বুড়ি, রক্ষা নাই তার,
তখনি দিলেন রাম ধনুকে টঙ্কার ।
'টং-টং' রবে তার রুমি ভয়ঙ্কর,
দাঁত কড়মড়ি বুড়ি কাঁপে থর-থর ।
'হাঁই-মাঁই-কাঁই' করি ধাঁই-ধাঁই ধায়,
ছড়মুড়ি ঝোপঝাড় চুরমারি পায় ।
গরজি-গ রজি বুড়ি ছোট্টে, যেন ঝড়,
শ্বাস বয় ঘোরতর ঘড়র-ঘড়র ।
কান যেন কুলো তার, দাঁত যেন মুলো,
জ্বল-জ্বল ছুই চোখে জ্বলে যেন চুলো ।
হাঁ করেছে দশ গজ, তাহে জিভ খান,
লকলকে চকচকে দেখে ওড়ে প্রাণ ।
বিষম ধূলার ঘোরে দৌঁহারে ঘেরিয়া,
পাথর ছুঁড়িয়া বুড়ি মারে চৈঁচাইয়া ।
কোনো ডর নাহি পায় তাহে ছুই ভাই,
ডাক শুনি লাথ বাণ মারে সাঁই-সাঁই ।
দেখা দিল বুড়ি তাই কাঁপর হইয়া,

পাহাড় বেরুল যেন দাঁত খিঁচাইয়া ।
 হাত নাক কান কাটি, বুকে হানি বাণ,
 দুজনে তখন তার বধিল পরান ।
 মুনির মুখেতে হাসি ধরে নাকো আর
 'বেঁচে থাক' 'বেঁচে থাক' বলে বারবার ।
 মহা-মহা শেল শূল দেন কত রামে,
 দেবতা অসুর কাঁদি ভাগে যার নামে ।
 যতনে তখন লয়ে ভাই দুইজনে,
 ফিরিয়া গেলেন মুনি নিজ তপোবনে ।
 যজ্ঞ করে মুনিগণ বসিয়া সেথায়,
 রাক্ষস আসিয়া দেয় রক্ত ঢালি তায় ।
 তারপর পাঁচদিন মিলি দুইজনে,
 পাহারা দিলেন সেথা বড়ই যতনে ।
 যজ্ঞের আগুন যেই জ্বলিল তখন,
 মেঘের উপরে হল ভীষণ গর্জন ।
 তাহা শুনি দুই ভাই দেখেন চাহিয়া,
 রাক্ষস খিঁচায় দাঁত আকাশ ছাইয়া ।
 জালাপানা মুখ আর ঝাঁটপানা চুল,
 কানে আঙ্গুটির গোছা, হাতে শেল শূল ।
 মেঘের আড়ালে থাকি মারে উঁকি-ঝুঁকি
 পচা রক্ত ঢালি দেয় বারবার শুঁকি ।
 দুইটা পালের গোদা, বিষম বিকট,
 মারীচ, স্ৰবাহু নাম, অতি বড় শঠ ।
 মানব নামেতে বাণ জুড়িয়া ধনুকে,
 ছুঁড়িয়া মারেন রাম মারীচের বুকে ।

হাজার বছর ধরে কেউ তোমাতে
 দেখতে নাহি পাবে ।
 শেষে রামকে দেখে দুখ ফুরাবে
 ফিরব আমি ঘরে ।
 বলেই অমনি চলে যান হিমালয়
 দারুণ রাগের ভরে ।
 দেবী ভাবেন হরি হেথায় পড়ি,
 কঠিন সাজা সয়ে ।
 চল, তোমায় দেখে এবার তিনি
 উঠুন স্থখী হয়ে ।’
 তখন সবাই মিলে সেদিক পানে
 চলেন তাঁরা ধয়ে,
 কুটির উজল করি উঠেন দেবী
 রামের দেখা পেয়ে ।
 তাঁরে দেখতে পেয়ে দুভাই গিয়ে
 পড়েন চরণ তলে,
 দেবী অমনি তুলে নিলেন কোলে
 ভাসল নয়ন জলে ।
 গৌতম এলেন ঘরে সেই সময়ে
 এলেন ততক্ষণ,
 আবার দুজন মিলে হরির পূজায়
 দিলেন তাঁরা মন ।

সেথা হতে মিথিলায় যান তিনজন,
 দুভায়ে দেখিয়ে ভোলে সকলের মন

জনক বলেন ‘আহা, কেমন সুন্দর !
 কাহার কুমার এরা কহ মুনিবর ।’
 মুনি বলেন, ‘দশরথ রাজা অযোধ্যার,
 শ্রীরাম, লক্ষ্মণ এরা তাঁহার কুমার ।
 তাড়কা মারীচে মারি এসেছে হেথায়,
 তোমার ধনুকখানি দেখিবারে চায় ।’
 রাজা বলেন, ‘বাছা সব থাকুক বাঁচিয়া
 ধনুক দেখাই আমি এখুনি আনিয়া ।
 শিবের ধনুক সেটি, দিল দেবগণ,
 গুণ দিতে নাই তাই পারে কোনো জন ।
 গুণ দিবে দূরে থাক, তুলিতে না পারে,
 লাজ পেয়ে শেষে চায় মারিতে আমারে ।
 সে ধনুকে যদি রাম পারে গুণ দিতে,
 সীতার বিবাহ দিব তাহার সহিতে ।’

শুনহ সীতার কথা সবে মন দিয়া,
 ডিম্বের ভিতরে কন্যা ছিল লুকাইয়া ।
 চাষ করে মহারাজ লইয়া লাঙ্গল,
 সেই কালে চারিদিক হইল উজল ।
 তখন দেখিল রাজা চাহিয়া সন্মুখে,
 আশ্চর্য উঠেছে ডিম্ব লাঙ্গলের মুখে ।
 দেবতা সমান কন্যা তাহার ভিতরে,
 স্থখে তারে মহারাজ নিল বুকু করে ।
 সীতে থেকে উঠে তাই নাম তার সীতা,
 জনকেরে কয় সবে সে মেয়ের পিতা ।

রাজা কন, ‘ধনুকেতে যেই গুণ দিবে,
সেই সে সীতারে মোর বিবাহ করিবে ।’

না জানি কতই ভারি ছিল ধনুখানি !
অনেক হাজার লোকে আনে তারে টানি ।
ভয়ঙ্কর সেই ধনু তুলি বাম হাতে,
হাসিতে-হাসিতে রাম গুণ দেন তাতে ।
তারপর গুণ ধরি দিল এক টান,
‘মট’ করি হর-ধনু ভেঙ্গে ছুইখান ।
ভয়ে তায় চোখ বুজি, কানে দিয়ে হাত,
‘বাপ !’ বলি কত বীর হয় চিৎপাত !
বড়ই হলেন সুখী জনক তখন,
রামেরে আদর করি কত কথা কন ।
বিবাহের কথা স্থির হইল স্বরায়,
লিখন লইয়া দূত যায় অযোধ্যায় ।
পত্র পান দশরথ বসিয়া সভায়—
‘শ্রীরাম সীতার বিয়ে এস মিথিলায় ।’
রাজা কন, ‘কি আনন্দ চলহ সকলে !’
অমনি সাজিল সবে ‘রাম জয়’ বেলো
হাতি ঘোড়া, লোকজন ঢাক ঢোল নিয়া,
মহানন্দে মহারাজ চলেন সাজিয়া ।
চারদিনে যান রাজা মিথিলা নগরে,
জনক নিলেন তাঁরে পরম আদরে ।

শুন কি সুন্দর কথা হইল তখন ।




সেখা ছিল চারি কন্যা লক্ষ্মীর মতন ।
 উর্মিলা নামেতে কন্যা জনক রাজার,
 ভাইঝি মাণ্ডবী তাঁর, শ্রুতকৌতি আর ।
 সীতারে লইয়া তারা হয় চারিজন,
 চারি পুত্র দশরথ রাজার তেমন ।
 মুনিগণ বলে, ‘আহা, কিবা চমৎকার,
 ছেলে মেয়ে নাই হেন কোনোখানে আর ।
 এঁই সব ছেলে যদি এই মেয়ে পায়,
 বড় ভালো, মহারাজ, হইবেক তায় ।’
 জনক বলেন, ‘বেশ, ভালো তো কহিলা,
 শ্রীরামেরে দেই সীতা, লক্ষ্মণে উর্মিলা,
 শত্রুঘ্নেরে শ্রুতকৌতি, মাণ্ডবী ভরতে,
 একদিনে চারি বিয়ে হোক এঁই মতে ।’

তখন মিথিলাপুরী করে টলমল,
 কি আনন্দ, কত গান, পূজা কোলাহল ।
 লাগিল ভোজের ধুম বাঁজিল বাজনা,
 ঢাক, ঢোল, কাড়া, কাঁসি, না হয় গণনা ।
 আলো করে ঝলমল, ধূপধুনা জ্বলে,
 যতনে সাজায়ে কন্যা আনিল সকলে ।
 অগ্নির সন্মুখে বসি জনক তখন,
 চারি বরে কন্যা দেন করিয়া যতন ।
 কতই মুকুতা মণি দাস-দাসী আর
 মেয়েদের দেন রাজা শেষ নাই তার ।
 তারপর আশীর্বাদ করিয়া সকলে,

॥ অষোধ্যাকাণ্ড ॥

বয়স হইল ষাট হাজার বছর,
চলিতে কাঁপেন রাজা করি থর-থর।
ভাবিলেন তাই, 'মোর বল গেছে টুটি,
রামেরে বুঝায়ে কাজ আমি লই ছুটি।'
তখন বলেন রাজা, 'শুন সভাজন,
যুবরাজ কর মোর রামেরে এখন।'
শুনিয়া স্নেহেতে সবে করে কোলাহল,
আনন্দে কৌশল্যা মা'র চোখে এল জল।
পুরোহিত মহামুনি বশিষ্ঠ তখন,
যতনেতে করিলেন যত আয়োজন।
সুন্দর বসন পরি সাজিল সকলে,
আনন্দে ধুইল মুখ চন্দনের জলে।
মনের স্নেহেতে তারা করে গগুগোল,
'ডিম্বি-ডিম্বি' 'তাই-তাই' বাজে ঢাক ঢোল।
কৌশল্যা দেবীর স্নান হয়েছে কখন,
হরিনাম করে মাতা হয়ে এক মন।

কৈকেয়ীর ছিল এক আদরের দাসী
বিষমুখী হতভাগী কুঁজী সর্বনাশী।
মহুরা নামটি তার, লোকে কয় 'কুঁজী,'
কার মেয়ে, কোথা ঘর নাহি পাই খুঁজি।



কুঁজী বলে, 'হ্যাঁ গা, এত কিসের বাজনা ?'
 রামের ধাইমা কয়, 'তাও কি জানো না ?
 যুবরাজ হবে আজি আমাদের রাম,
 তাই এত বাঢ় আর এত ধুমধাম ।'
 এই কথা ধাই তাকে কহিল বখন,
 হিংসায় কুঁজীর কুঁজ করে টনটন !
 কৈকেয়ীর কাছে গিয়া তখনি সে কয়,
 'শোনো, শোনো ! আজি রাম যুবরাজ হয় !'
 রানীর মনেতে বড় স্ত্রুথ হল তায়,
 খুলিয়া গলার হার দিল মস্তুরায় ।
 দূরে ফেলি সেই হার কহে দুর্ঘট কুঁজী,
 'ভালো মন্দ কিসে হয়, নাহি জানো বুঝি !
 কুটিল কৌশল্যা রানী রাজার মা হলে,
 হেঁট মুখে রবে তুমি তার পদতলে ।
 রাম রাজা হলে পর ভরতে মারিবে,
 তখন তোমার দশা ভাব কি হইবে ।'
 শুকাল রানীর মুখ এ কথা শুনিয়া,
 পরান কাঁপিল তার ভরতে ভাবিয়া ।
 বলে, 'কুঁজী বল্ বল্ কি হবে উপায় ?
 কেমনে বাঁচাব বল্ আমার বাছায় ?'
 কুঁজী বলে, 'ভয় নাই, হবে সেই কাজ
 দুই বর তোরে যদি দেয় মহারাজ ।
 ভরত হইলে রাজা, রাম গেলে বনে
 ভয় না থাকিবে আর, ভাবি দেখ মনে ।
 যুদ্ধে গিয়ে মহারাজ ভারি ব্যথা পায়,

পরানে বাঁচে সে খালি তোমারি সেবায় ।
 দুই বর দিবে রাজা বলেছে তখন,
 সে বর চাহিয়া কেন লহ না এখন ?
 ভরতে করহ রাজা রামে বনে দিয়া,
 তারপর স্থখে থাক খাটেতে বসিয়া ।’
 রানী বলে, ‘ভালো যুক্তি দিলি কুঁজী মোর,
 আজি বনে যাবে রাম, ভয় নাই তোর ।’
 তখন কুঁজীর সাথে করি কানাকানি,
 বিপদ ঘটাল হয় সর্বনাশী রানী ।
 ভাঙিল হীরার বালা সানে আছড়িয়া,
 ময়লা কাপড় আনি পরিল খুঁজিয়া ।
 এলাইয়া কালো চুল শুকাল প্লায়—
 ভালোই পাতিল ফাঁদ মারিতে রাজায় ।
 আসিয়া দেখেন রাজা একি সর্বনাশ,
 মাথায় পড়িল যেন ভাঙিয়া আকাশ ।
 কতই ডাকেন রাজা, ‘রানী, রানী, রানী ।’
 কৈকেয়ী আঁচল শুধু মুখে দেয় টানি ।
 রাজা কন, ‘হায় রানী নাহি কয় কথা !
 হল কি অস্থখ ভারি ? পাইল কি ব্যথা ?
 বল রানী, দুখ দিল কে তোমার মনে,
 তলোয়ারে তার মাথা কাটি এই ক্ষণে ।’
 বিনয় করিয়া রাজা কত কথা কয়,
 কিছুতে রানীর হয় দয়া নাহি হয় ।
 তখন বলেন রাজা, ‘কি চাই তোমার ?
 এখনি পাইবে তাহা, বল একবার ।’



শুনিয়া কৈকেয়ী তারে নাকি স্মরে কয়,
 'সত্য করি বল আগে, দিবে তা নিশ্চয় ।'
 রাজা কন, 'দিব, দিব, দিব তা তোমারে ।'
 তাহা শুনি ছুষ্ট রানী হাসি কয় তারে,
 'মনে কর সেই যুদ্ধ অস্বরের সাথে,
 বড় খোঁচা মহারাজ খেলে তার হাতে ।
 করিয়া কতই সেবা বাঁচাই তোমায়,
 দিতে মোরে ছুই বর চাও তুমি তায় ।
 আজি মোরে সেই বর দেহ মহারাজ,
 বিষ খাব, যদি নাহি কর এই কাজ ।'
 রাজা কন, 'কহ-কহ কিবা সে বর,
 দিব তাহা এই ক্ষণ, নাহি কোনো ডর ।'
 শুনিয়া কৈকেয়ী কয়, 'আর কিছু নয়
 ভরতেরে যুবরাজ কর মহাশয় ।
 চৌদ্দ বছরের তরে রাম বনে যাবে,
 পরিয়া গাছের ছাল ফল মূল খাবে ।'
 হায় রে নিষ্ঠুর কথা ! হায় ছুষ্ট রানী !
 কি ব্যথা রাক্ষসী দিল রাজারে না জানি !
 অজ্ঞান হইয়া রাজা পড়িল ধূলায়,
 জাগিয়া চাপড়ি বুক করে হায়-হায় ।
 অস্থির হইয়া রাগে কাঁপে থর-থর,
 শিশুর মতন কাঁদে হইয়া কাতর ।
 পাগল হইয়া ধরে কৈকেয়ীর পায়,
 আবার অজ্ঞান হয়ে লুটায় ধূলায় ।
 তবু হায় রাক্ষসীর দয়া নাহি হয়,

লাজ নাই, ভয় নাই কটু কথা কয় ।
 এই ভাবে গেল রাত কাঁদিয়া-কাঁদিয়া
 সকালে আনিল রানী রামেরে ডাকিয়া ।
 ফাটিছে রামের বুক দেখিয়া রাজায়,
 রানীরে বলেন, ‘মাগো, একি হল হায় ?
 কেন মা এমন দশা হইল পিতার ?
 কিসের লাগিয়া মুখে কথা নাহি তাঁর ?’
 রাক্ষসী বলিছে, ‘বাছা, ওটা কিছু নয়,
 লাজেতে তোমার বাপ কথা নাহি কয় ।
 রাজা বলেছেন, আজ তুমি যাবে বনে,
 জানাতে তোমায় তাহা লজ্জা হয় মনে ।
 পিতার মনের কথা শুনিলে এখন,
 লক্ষ্মী ছেলে, বনে যাও ছাড়ি রাজ্য ধন !
 চৌদ্দ বছরের পর আসিও আবার
 ততদিন হবে রাজা ভরত আমার ।’
 কহিল কঠিন কথা আদর করিয়া
 খেতে যেন দিল বিষ মধু মাখাইয়া ।
 বারণ করিতে তারে না পারেন রাজা,
 ‘বর দিব’ বলেছেন, হায় তার সাজা !
 শ্রীরাম বলেন, ‘এই যাই আমি বনে,
 তার তরে ভয় মাতা করিও না মনে ।
 রাজা যদি নাহি হই, কিবা তায় দুখ ?
 থাকিলে পিতার কথা বনেতেও সুখ ।
 রাজা হয়ে সুখে থাক ভরত আমার,
 পিতারে দেখিও মাগো, কি বলিব আর ।’

অযোধ্যার প্রাণ রাম, তিনি যান বনে,
তঁাহাকে ছাড়িয়া লোক থাকিবে কেমনে ?
রুঘিয়া লক্ষ্মণ কন, 'মারিব রাজায় !
কৈকেয়ী ভরতে মারি রাখিব দাদায় ।'
আদরে বলেন রাম, তারে লয়ে বুকে,
'ভাইরে অমন কথা আনিয়ো না মুখে ।
পিতা হন আমাদের দেবতা সমান,
রাখিব তঁাহার কথা দিয়া এই প্রাণ ।'

কৌশল্যার দুঃখ আর কি বলিব হয়—
কথায় সে দুঃখ বুঝানো কি যায় ?
রামেরে বিদায় দিতে হইল যখন,
না জানি কেমন তাঁর করেছিল মন !
রাম কন, 'দেখো মাগো পিতারে আমার,
চৌদ্দ বছরের পরে আসিব আবার ।'
সীতা কন, 'যেথা রাম, সেথা মোর ঘর,
দুজনে সুখেতে রব বনের ভিতর ।'
লক্ষ্মণ বলেন, 'দাদা, মোরে লও সাথে,
ফল মূল দিব আনি, তুলি নিজ হাতে ।'
সুমিত্রা বলেন, 'যাও, যাওরে লক্ষ্মণ,
রামেরে দেখিয়ে বাছা পিতার মতন ।
সীতা যেন মা তোমার, এই রেখ মনে,
ঘর ভেবে সুখে বাপ থাক গিয়া বনে ।'
বনে যেতে তিনজন করি তাঁরা মন
কাঙালে করিলা দান যত ছিল ধন ।

স্তম্ভ সারথি আনে রথ সাজাইয়া,
 কৈকেয়ী গাছের ছাল দিলেন আনিয়া ।
 তাহা পরি দুই ভাই করিলেন সাজ,
 সীতারে পরাতে নাহি দেন মহারাজ ।
 বেলা হল, বয়ে যায় যাবার সময়,
 প্রণাম করিয়া রাম দশরথে কয়,
 ‘বনে যাঈ, মহারাজ, দেহ পদধূলি,
 দুখিনী মায়ের পানে চেয়ো মুখ তুলি ।’
 তার পরে তিনজনে চড়ে গিয়ে রথে,
 পাগল হইয়া লোক ছুটে যায় পথে ।
 কাঁদিতে-কাঁদিতে রাজা নিজে যান ধেয়ে,
 ব্রাহ্মণ সকলে যান, আর যত মেয়ে ।
 কাঁদিয়া কৌশল্যা যান ; হায় রে দুখিনী—
 আলুথালু হয়ে মাতা ধায় পাগলিনী ।
 কেমনে এ দুখ দেখি পরানেতে সয় ?
 ‘চল, চল,’ বলি রাম সারথিরে কয় ।
 ছুটে যায় রথখানি তীরের মতন,
 তার সাথে যেতে আর পারে কয়জন ?
 তবুও ছুটিয়া রাজা কতদূর যায়,
 চলিতে না পারি আর বসিল ধূলায়
 চাহিয়া রথের পানে কথা নাহি মুখে,
 বারিয়া চোখের জল বয়ে যায় বুকে ।
 চলি গেল রথখান, দেখা নাহি যায়,
 অমনি লুটায় রাজা পড়িল ধূলায় !
 কৈকেয়ী তুলিতে তারে আইল ছুটিয়া,

‘দূর-দূর !’ বলি রাজা দিল তাড়াইয়া ।
তারপর কৌশল্যার হাতখানি ধরে,
ভাসিয়া চোখের জলে গেল তাঁর ঘরে ।
সেথায় শুইল রাজা করি হায়-হায়,
ভাবিয়া রামের কথা বুক ফেটে যায় ।

জানি রাম কতদূর যান ততক্ষণ,
কেমনে ছাড়িল তাঁরে অযোধ্যার জন ?
তীরের মতন তাঁর রথখানি যায়
কপাল চাপড়ি লোক পিছু-পিছু ধায় ।
বলে, ‘এই ছাই দেশে কে রহিবে আর ?
রাম যেথা যান, মোরা সাথে যাব তাঁর ।’
বেলা শেষ হল, তারা তবু নাহি ফিরে,
আঁধার হইল আসি তমসার তীরে ।
খামিল তখন রণ, আসিল সকলে,
ঘরে না ফিরিল তারা সাথে যাবে বলে ।
শেষ রাতে উঠি রাম গেলেন চলিয়া,
কেহ না জানিল—সবে ছিল ঘুমাইয়া ।
প্রভাতে উঠিয়া তারা করে হায়-হায়,
কাঁদিত্তে-কাঁদিত্তে শেষে ঘরে ফিরে যায় ।
হেথায় চলেছে রথ তিনজনে লয়ে
নদী বন মাঠ কত যায় পার হয়ে ।
শৃঙ্গবের পুরে যেই বেলা গেল চলে,
ঈঙ্গুদী গাছের তলে বসেন সকলে ।
সে দেশে নিষাদ-রাজা, গুহ তার নাম,

বড়ই সরল সে যে, তার মিতা রাম ।
 ‘রাম এল’ শুনে গুহ ছুটে এল স্নেহে,
 ‘মিতা, মিতা,’ করি তাঁরে জড়াইল বুকে ।
 গুহ বলে, ‘খাবি মিতা ? এনেছি মিঠাই !’
 রাম কন, ‘হায় মিতা, কি করিয়া খাই ?
 যেতে মোর হবে যে রে, যেথা ঘোর বন,
 ফল মূল খেতে হবে মুনির মতন ।’
 শুনিয়া কাঁদিল গুহ হাউ-হাউ করে,
 বিনয় করিয়া রামে কহিল সে পরে,
 ‘থাক মিতা মোর হেথা, থাক মোর শিরে ।
 ঘর তোর, জন তোর, ডর তোর কি রে ?
 নাচি-নাচি বই জুতা, ফিরি তোর সনে,
 রাজা হয়ে থাক মিতা, কেন যাবি বনে ?’
 রাম কন, ‘তা তো ভাই হয় না রে হায়,
 তায় যে পিতার কথা মিছা হয়ে যায় !’
 গঙ্গা জল খেয়ে রাম থাকেন সে রাতে,
 জাগিয়া কাঁদিল গুহ লক্ষ্মণের সাথে ।
 প্রভাতে গুহের কাছে লইয়া বিদায়,
 তিনজনে গঙ্গা পার হলেন নৌকায় ।
 বনের ভিতরে তাঁরা যান তার পরে
 স্নমন্ত্র কাঁদিল ফিরি অবোধ্যা নগরে ।
 বাঘ ভালুকের ঘর ঘোরতর বন,
 তাহার ভিতর দিয়া যান তিনজন ।
 দিন গেল, রাত গেল সন্ধ্যা এল ফিরে,
 প্রয়াগে এলেন তাঁরা যমুনার তীরে ।



যেথায় আসিয়া গঙ্গা মিলে যমুনায,
 মহামুনি ভরদ্বাজ থাকেন যেথায় ।
 মুনি বলে, ‘জানি রাম এলে কি কারণ,
 আমার নিকটে বাপ থাক তিনজন ।’
 শ্রীরাম বলেন, ‘হেথা লোকজন চলে,
 নিরিবিলি কোথা পাই মোরে দিন বলে ।’
 মুনি বলে, ‘চিত্রকূট পর্বতের তলে,
 ছায়ায় লুকায়ে নদী মন্দাকিনী চলে ।
 দুই কূলে আছে গাছ ফল ফুলে ঝুঁকি,
 হরিণ ময়ূর আসি দেয় সেথা উঁকি ।
 বনেতে কোকিল গায়, জলে হাঁস খেলে,
 স্নখেতে থাকিবে রাম সেইখানে গেলে ।’
 মুনির পায়ের ধূলা লইয়া তখন
 যেথা সেই চিত্রকূট যান তিনজন ।
 সেথায় কুটির বাঁধি লতায়-পাতায়,
 মনের স্নখেতে তাঁরা রইলেন তায় ।

হেথা রাজা দশরথ পড়ে বিছানায়
 ফেলেন চোখের জল করি হায়-হায় ।
 এমন সময়ে তাঁরে করিয়া প্রণাম,
 কাঁদিয়া স্তম্ভ কয়, ‘গিয়াছেন রাম ।’
 সে কথা সহিতে রাজা নারিলেন আর,
 সেই রাতে গেল প্রাণ দেহ ছাড়ি তাঁর ।
 কাঁদিয়া-কাঁদিয়া সবে ছিল অচেতন,
 কেহ না জানিল, রাজা মরিল কখন ।

পাগল হইল তারা সকলে উঠিয়া,
ভরতের লাগি লোক চলিল ছুটিয়া ।
রাজারে ডুবায় রাগি তেলের ভিতরে,
পথ চেয়ে রয় তারা ভরতের তরে ।


সবে কাঁদে, কৈকেয়ীর মুখে শুধু হাসি,
সে ভাবে, ‘ভরত বড় স্মৃগী হবে আসি !’
ভরত ফিরিয়া ঘরে কহিলেন তায়,
‘কি বিপদ হল মাগো, বল তা আমায় ।
কোথা পিতা, দাদা আর লক্ষ্মণ আমার ?
কেন এ সোনার পুরী হেরি ছারখার ?’
রানী বলে, ‘পিতা তোর নাই রে বাছানি,’
কাঁদিয়া ভরত তাই পড়েন অমনি ।
হায়-হায় করি কন কাতর হইয়া,
‘না জানি গেলেন পিতা কি কথা কহিয়া ।’
রানী বলে, ‘তিনি এই বলেন তখন—
হায় রাম ! হায় সীতা ! হায় রে লক্ষ্মণ !’
ভরত বলেন, ‘এ কি কথা ভয়ঙ্কর
কি হল তাঁদের, মাতা, বলহ সত্বর ।’
রানী বলে, ‘মরে নাই, রয়েছে বাঁচিয়া,
দিয়াছি রাজায় বলি বনে পাঠাইয়া ।
আপদ হইল দূর বাছারে তোমার,
রাজা হয়ে স্মৃগে থাক, ভয় নাই আর ।’
এই কথা দুষ্ক রানী কয় হাসি মুখে,
ছুরি যেন মারে হায় ভরতের বুকে ।

রুশিয়া বলেন তিনি, 'কি বলিব হায়,
 মা না হলে কাটিতাম এখনি তোমায় ।
 কভু না হইবে, বাহা আছে তোর মনে,
 দাদারে আনিতে আমি এই যাই বনে ।'
 যাহার লাগিয়া রানী করে হেন কাজ,
 খাইয়া তাহার গালি পায় বড় লাজ ।
 কুঁজী ভাবে, পায় জানি কিবা পুরস্কার,
 যত ভাবে, তত কুঁজ উচু হয় তার !
 মুখ ভরা হাসি আর গাল ভরা পান,
 মাকড়ির ভারে যেন ছিঁড়ে ছুই কান !
 চকচকে চীন শাড়ি, চন্দনের কোঁটা,
 হাতে বালা, নাকে নথ, এই মোটা-মোটা ।
 দুয়ারে দাঁড়ায়ে ছিল সখীদের সাথে,
 দরওয়ান ধরে দিল শত্রুঘ্নের হাতে ।
 শত্রুঘ্ন বলেন, 'ভালো পাইলাম দেখা—
 আজি কিছু মাজা তোর কপালেতে লেখা ।'
 চুল ধরি পরে যেই দিলেন আছাড়,
 ভেড়ার মতন কুঁজী ডাকে চমৎকার ।
 মরিত সেদিন বেটি আছাড় খাইয়া,
 ভাগ্যেতে ভরত আসি দেন ছাড়াইয়া ।
 ছাড়া পেয়ে তাড়াতাড়ি পলাইল ছুটি,
 বাতাসেতে ফড়ফড় উড়ে তার ঝুঁটি !
 তখন সকলে মিলি ভরতের সনে,
 রামেরে আনিতে স্মখে চলিলেন বনে ।
 বশিষ্ঠ স্মমন্ত্র যান, যায় লোকজন,

কৌশল্যা স্মিত্রা আর দাসদাসীগণ ।
 কৈকেয়ী চলেন লাজে মাথা হেঁট করি
 লাখে-লাখে যায় সেনা খাঁড়া ঢাল ধরি ।
 গুহের দেশে যেই আসিল সকলে,
 গুহ বলে, ‘দেখ, দেখ, ভরতীয়া চলে !
 সেটি মোর মিতাটিকে মারিবেক বটে—
 লাগা টাঙ্গি ঝটপট, ঘরে যাক হটে !’
 ভরত কি চান গুহ শুনিল যখন,
 আনন্দে করিল তাঁর কতই যতন ।
 পাঁচশত তরী দিয়া করে গঙ্গা পার,
 নাচিতে-নাচিতে যায় সাথে-সাথে তাঁর ।
 ভরদ্বাজ মুনি সনে দেখা হয় পারে,
 ভুলিল সবার মন মুনির আদরে ।
 ঘোল, চিনি, ক্ষীর, সর, দধি, মালপুয়া,
 রাবড়ী, পায়স, পিঠা, পুরী, পানতুয়া ।
 যত চায়, তত পায়, নাহি ধরে পেটে,
 গিলিতে না পারে আর, তবু দেখে চেটে ।
 মুনি বলিলেন, ‘রাম থাকে চিত্রকূটে’
 অমনি চলিল সবে সেই পথে ছুটে ।
 আনন্দে চলেছে তারা হইয়া চঞ্চল,
 রামের কুটীরে গেল তার কোলাহল ।
 গাছে উঠি দেখি তায় কহেন লক্ষ্মণ,
 ‘ভরত আইল দাদা লয়ে লোকজন ।
 মোদের মারিতে দুষ্ক আসিছে হেথায়,
 মাথা কেটে তার সাজা দিব আমি তায় ।’

রাম কন, 'ভরতের কোনো দোষ নাই,
 তাহারে এমন কথা কেন বল ভাই ?'
 লাজেতে আসেন তায় নামিয়া লক্ষ্মণ,
 কুটিরে গেলেন পরে ভাই দুইজন ।
 ভরত শক্রপ্ন আহা তখনি আসিয়া,
 লুটায়ে ধূলার পরে পড়েন কাঁদিয়া ।
 গড়াগড়ি দিয়া তারা কাঁদেন দুজন,
 কাঁদেন তাঁদের লয়ে শ্রীরাম লক্ষ্মণ ।
 পরে বলিলেন রাম, 'ভাই রে ভরত,
 কি লাগি সহিয়া দুঃখ এলে এত পথ ?
 কেন রে গাছের ছাল দেখি তোর গায়,
 কেন রে আইলে হেথায় ছাড়িয়া পিতায় ?'
 ভরত কহেন, 'হায়, কোথা পিতা আর ?
 কাঁদিয়া তোমার তরে প্রাণ গেল তাঁর ।'
 কাঁদেন তখন সবে 'পিতা' 'পিতা' বলে
 কাঁদিল তাঁদের ঘিরি আসিয়া সকলে ।
 দুঃখের ভিতরে রাম পাম কিছু স্মৃথ,
 এমন সময়ে দেখি জননীর মুখ ।
 কৌশল্যা কৈকেয়ী আর স্মিত্রার পায়,
 প্রণাম করেন রাম লুটায়ে ধূলায় ।
 কাঁদিয়া রামের পায় পড়ি তারপরে
 ভরত বলেন, 'দাদা, চল যাই ঘরে ।'
 রাম বলিলেন, 'ওরে পরানের ভাই,
 থাকুক পিতার কথা আমি এই চাই ।
 তুমি হবে রাজা, আর আমি রব বনে,

পিতার এ কথা ভাই পালিব দুজনে ।
 ভরত যতই তাঁরে করেন বিনয়,
 শ্রীরাম কহেন শুধু, ‘কেমনে তা হয় ?’
 বশিষ্ঠ বুঝান কত, কাঁদে রানীগণ,
 কিছুতেই না ফিরিল শ্রীরামের মন ।
 ভরত কাঁদিয়া তাঁরে কহিলেন শেষে,
 ‘যদি কিছুতেই দাদা না যাইবেক দেশে,
 তোমার খড়ম খুলে দাও দয়া করে,
 তারেই করিব রাজা অযোধ্যা নগরে ।
 পরিয়া গাছের ছাল, ফল গুল খেয়ে
 চৌদ্দ বছরের তরে রব পথ চেয়ে ।
 তার পরে তুমি যদি না আস ফিরিয়া,
 নিশ্চয় মরিব দাদা আগুনে পুড়িয়া ।’
 রাম বলিলেন, ‘আমি আসিব তখন,
 মায়েরে দেখিয়ো ভাই করিয়া যতন ।’
 ‘এই বলি রাম তাঁরে করেন বিদায়,
 ভরত খড়ম লয়ে যান অযোধ্যায় ।
 পুরীর ভিতরে কিন্তু নাহি যান আর,
 নন্দীগ্রামে রহিলেন, নিকটেই তার ।
 রামের খড়ম রাখি উঁচু সিংহাসনে,
 তাহার উপরে ছাতা ধরেন যতনে ।
 বাতাস করেন তারে চামর লইয়া,
 না করেন কোনো কাজ তারে না বলিয়া ।
 পরেন গাছের ছাল, খান শুধু ফল,
 মনের ছুঃখেতে তাঁর চোখে ঝরে জল ।



তার পরে সীতা আর লক্ষ্মণেরে নিয়া
 দণ্ডক বনেতে রাম গেলেন চলিয়া ।
 দণ্ডক বনেতে যেতে লাগে বড় ডর,
 হাতি সিংহ বাঘ সেথা ফেরে ভয়ঙ্কর ।
 বিরোধ বলিয়া থাকে রাক্ষস সেথায়,
 না বিঁধে ব্রহ্মার বরে অস্ত্র তার গায় ।
 খিঁচাইয়া রাখে দাঁত পথ-ঘাট জুড়ি !
 কড়মড়ি হাতি খায়—এই বড় ভুঁড়ি !
 রামেদের দেখে বেটা আইল ধাইয়া,
 তাড়াতাড়ি দিল ছুট সীতারে লইয়া ।
 শ্রীরাম কঁাদেন তায় করি হায়-হায়,
 লক্ষ্মণ বলেন রুগি, ‘মারহ বেটায় ।’
 শুনিয়া বিরোধ কয়, ‘ঝুট পালা ঘরে !
 হেথেরটি মোর গায় বিন্ধিবে না করে !’
 সাত বাণ যদি রাম মারিলেন তারে,
 খেঁকায়ে আইল বেটা রাখিয়া সীতারে ।
 ঝেড়ে ফেলে বাণ সব, ধায় শূল নিয়া,
 রাম দেন সেই শূল বাণেতে কাটিয়া ।
 তাহে ছুফ দিল ছুট ছুভাইকে লয়ে,
 কতই তখন সীতা কঁাদিলেন ভয়ে ।
 ভাঙিলা ছুভাই তবে রাক্ষসের হাত

অমনি চেষ্টায়ে বেটা হল চিৎপাত ।
 কিন্তু সে আপদ যে রে কিছুতে না মরে,
 পাথরে না পিষা যায়, খড়্গে নাহি ধরে ।
 পুঁতিলেন তাই তারে মিলি দুই ভাই
 চলিলেন তারপর ছাড়ি সেই ঠাঁই ।
 মুনিদের ঘরে-ঘরে ফিরি তারপর,
 স্মৃতে কাটিয়া গেল দশটি বৎসর ।
 পরে আসিলেন তাঁরা পঞ্চবটী বনে,
 সেথায় হইল দেখা জটায়ুর সনে ।
 অতি বড় পাখি সে যে, সম্পাতির ভাই,
 রামেরে বলিল, ‘বাবা থাক এই ঠাঁই ।
 তোমার পিতার বন্ধু আমি যে রে ধন
 সীতারে দেখিব আমি করিয়া যতন ।’
 ভারি চমৎকার সেই পঞ্চবটী বন,
 নানা রঙে ফুল ফল, দেখে ভরে মন ।
 ছলিয়া সুন্দর পাখি খেলে ডাল ধরি,
 কুলকুল করি বয় নদী গোদাবরী ।
 সেই পঞ্চবটী বনে, সুন্দর কুটিরে,
 স্মৃতে থাকেন তাঁরা গোদাবরী তীরে ।
 হেনকালে কি হইল শুনহ সকলে—
 রাক্ষসী আইল সেথা সূৰ্ণখা বলে ।
 লক্ষায় রাবণ থাকে, দশ মাথা যার,
 এই বুড়ি হতভাগী বোন হয় তার !
 হাঁ করে সীতারে বুড়ি কয় গিয়ে ধেয়ে
 ‘মুঁহি গিনি হব এই বুড়িটাকে খেয়ে !’

খাইত সীতারে বুড়ি নিশ্চয় তখন,
 ভাগ্যে তার নাক কান কাটেন লক্ষ্মণ ।
 ব্যথায় অভাগী তায় মরে মাথা কুটি,
 'বাঁপ্পুরে ! মাইরে !' বলি ঐ যায় ছুটি !
 গেল বুড়ি খর আর ছুষণের ঠাই
 সেই ছুটা হয় তার মাসতুত ভাই ।
 লোকজন লয়ে তারা থাকে জনস্থানে,
 কাটা নাক নিয়া বুড়ি গেল সেইখানে ।
 পরে যা হইল সে যে বড় ভয়ঙ্কর ;
 রাক্ষসের ডাকে বন কাঁপে থরথর ।
 দেখিতে-দেখিতে তারা, খাঁড়া ঢাল নিয়া,
 হাজারে-হাজারে সেথা আইল ছুটিয়া ।
 শ্বাস ফেলি ঘোঁৎ-ঘোঁৎ ভেঙচার রাগে,
 দাঁত কড়মড়ি শূনি বড় ডর লাগে !
 লাঠি গদা, শেল শূল, কুড়াল কাটারি,
 রোষেতে ছুঁড়িয়া তারা মারে ভারি-ভারি ।
 রামের বাণেতে সব হনু খান-খান,
 ছুই দণ্ডে গেল যত রাক্ষসের প্রাণ ।
 একটা রহিল শুধু, অকম্পন বলে,
 চোঁচায়ে লক্ষায় সেটা ছুটে গেল চলে ।
 রাবণেরে কয় কাঁপি, 'হেই মহারাজ !
 আরে তোর খরটি তো মরিলেক আজ !
 ছুসনিয়া ফুসনিয়া যেতো মাল ছিল,
 সবেক মানুষ বেটা রামা কাটি দিল !'
 পরেতে আসিয়া সেই নাককাটি বুড়ি
 হাই-মাই করি সেথা কাঁদে মাথা খুঁড়ি ।

লাফায়ে তখন উঠিল রাবণ
 রাগেতে আগুন হয়ে,
 সারথিরে কয়, ‘আয় তো রে মোর
 গাধাটানা রথ লয়ে !’
 সেই রথে চড়ি চলিল রাবণ
 যেথায় মারীচ থাকে,
 বলে, ‘চল যাই রামের নিকটে
 সাজা দিব আজ তাকে ।’
 শুনিয়া মারীচ বলে, ‘হায় বাপ !
 মুই তো না সেথা যাব !
 বেটা বড় ভূত, লাগাবেক তীর,
 লাটু পাক মোরা খাব !’
 রাবণ কহিল, ‘নাহি যাস যদি
 এখনি কাটিব তোরে ।’
 মারীচ কহিল, ‘যাব, যাব, মুই !
 কি করিবি লিয়ে মোরে ?’
 রাজা কয়, ‘তুমি সোনার হরিণ
 সাজিয়া সেথায় যাবে,
 সীতার নিকটে নাচিয়া-নাচিয়া
 লতা-পাতা খুঁটে খাবে ।
 রামেরে তখন দিবে সে পাঠায়ে
 তোমারে ধরিয়া নিতে,
 দূরে নিয়া তারে . চোঁচাইবে তুমি
 হা লক্ষ্মণ, হায় সীতে !
 তাহা শুনি আর নারিবে লক্ষ্মণ

এসেছি পতির সনে ।
 শুনি ছুঁ কয়, ‘ভিখারীর সাথে
 রয়েছ কিসের তরে ?
 বনের ভিতরে বাঘ থাকে ভারি
 খাইবে তোমারে ধরে ।
 মোর সাথে চল, আমি সেই রাজা,
 রাবণ যাহারে কয়,
 খাটেতে বসিয়া পাইবে সকল
 যা তোমার মনে লয় ।’
 সীতা কন তারে, ‘বটে রে অভাগা
 এত বড় মুখ তোর !
 আজি তোর দাঁত ভাঙিবেন রাম
 দাঁড়া দেখি ছুঁ চোর ।’
 কুড়ি চোখ তায় ঘুরায় রাবণ
 রাগেতে পাগল হয়ে,
 বিশ পাটি দাঁত করি কড়মড়
 চলে সে সীতারে লয়ে ।
 রথখানি তার আইল অমনি
 লাফায়ে উঠিল তায়,
 দূরে ছুই ভাই জানি কোন ঠাঁই
 দেখিল না হায়-হায় !
 গাছের উপরে বসিয়া তখন
 ঘুমায় জটায়ু পাখি,
 চমকি শুনিল ওই যেন সীতা
 কাঁদেন তাহারে ডাকি !

রয়েছে অবশ হয়ে পড়ে যাতনায় ।
 রোষেতে বলেন রাম দেখিয়া তাহারে,
 ‘এই ছুঁট খাইয়াছে আমার সীতারে !
 রাক্ষস পাখির মতো রয়েছে সাজিয়া—
 ঘুমায় কেমন দেখ, সীতারে খাইয়া ।’
 এই বলি তারে রাম যান মারিবারে
 কচুঁটে তখন পাখি কহিল তাঁহারে—
 ‘মেরে তো আমায় বাপ গিয়েছে রাবণ,
 তারপরে তুমি আর মেরো না রে ধন ।
 পলায়ে গিয়েছে ছুঁট লয়ে সীতা মায়,
 প্রাণ গেল, না পারিনু, রাখিবারে তাঁয় ।’
 জটায়ুরে বুক লয়ে দুভাই তখন,
 কাঁদেন কাতর হয়ে, শিশুর মতন ।
 কিন্তু হয়, সেই ক্ষণে প্রাণ গেল তার
 কিছুই কহিতে পাখি পারিল না আর ।

সেথা হতে তারপর সীতারে খুঁজিয়া,
 চলিলেন দুই ভাই ঘন বন দিয়া ।
 কবন্ধ রাক্ষস ছিল তাহার ভিতর,
 কি আর কহিব সে যে কত ভয়ঙ্কর ।
 মাথা নাই, গলা নাই, আছে শুধু ভুঁড়ি,
 হাঁ করে রয়েছে তাই সারা বন জুড়ি ।
 খামের মতন তার বড়-বড় দাঁত
 যোজন জুড়িয়া দুই সর্বনেশে হাত ।
 একখানা চোখ দিয়া চায় কটমট,

হাতি মোষ বাই দেখে, ধরে চটপট ।
 শ্রীরাম লক্ষ্মণ যান সেই বন দিয়া,
 খপ করে নিল বেটা তাঁদেরে ধরিয়া ।
 তখন বলেন তাঁরা, ‘খায় বুঝি গিলে,
 এই বেলা কাটি হাত দুই ভাই মিলে ।’
 এই বলি দুই ভাই তলোয়ার দিয়া,
 তাড়াতাড়ি হাত তার ফেলেন কাটিয়া ।
 গড়াগড়ি দিয়া কিবা টেঁচাইল তায়,
 কহিল সে, ‘কে তোমরা ? বল তা আমায় ।’
 শুনিয়া তাঁদের নাম বিনয়ে সে কয়,
 ‘ভাগ্যেতে আমার হেথা এলে মহাশয়
 এখন পোড়াও মোরে যদি দয়া করে
 যুচিবে আমার দুঃখ, যাব নিজ ঘরে ।’
 আগুন জ্বালিয়া ভারি দুজনে তখন
 কবন্ধে পোড়ান তায় শ্রীরাম লক্ষ্মণ ।
 অমনি দেখেন তাঁরা, কিবা চমৎকার,
 পরম সুন্দর দেহ হইল তাহার ।
 আগুন হইতে উঠি তখন সে কয়,
 ‘সুগ্রীবের কাছে তুমি যাও মহাশয় ।
 ঋষ্যমুক পরবতে, পম্পা নদী-তীরে,
 থাকে সে লইয়া সাথে বড়-বড় বীরে ।
 ছরায় তাহারে বন্ধু কর মহাশয়,
 করিয়া সীতার খোঁজ দিবে সে নিশ্চয় ।’
 তাহা শুনি দুই ভাই যান সেথা হতে,
 যেথায় সুগ্রীব থাকে, সেই পরবতে ।

কিষ্কিন্দাকাণ্ড


তারপর পমপা নদী পার হয়ে শেষে,
আসিলেন ছুই ভাই বানরের দেশে ।
বানর কতই সেথা থাকে ভারি-ভারি,
পর্বত ছুঁড়িয়া মারে লম্বা লেজ নাড়ি ।
রাজা তার বড় বীর, বালী নাম ধরে,
সুগ্রীব তাহার ভাই, কাঁপে তার ডরে ।
কিষ্কিন্দায় থাকে বালী লোকজন লয়ে
ঋষ্যমুক নাহি যায় মাতঙ্গের ভয়ে ।
সেই মুনি এই শাপ দিয়েছিলেন তায়,
‘মাথা ফেটে যাবে তোর, আসিলে হেথায় ।’
সেই ভয়ে ঋষ্যমুকে নাহি যায় বালী
দূর থেকে সুগ্রীবেরে দেয় শুধু গালি ।
পর্বত হইতে দেখি শ্রীরাম লক্ষ্মণে,
বড়ই হইল ভয় সুগ্রীবের মনে ।
মন্ত্রী হনুমাণে ডেকে বলিল তখন,
‘কি লাগি আইল হেথা মানুষ দুজন ?
বালী বুঝি পাঠাইল, মারিতে আমায়,
নিশ্চয় জানিয়া হনু আইস ত্বরায় ।’
গোঁপ-দাড়ি পরে হনু সাজিল সন্ন্যাসী
রামের নিকটে পরে দেখা দিল আসি ।
বড়ই পণ্ডিত হনু, ভারি বুদ্ধিমান,

হাসি-হাসি কথা কয়, মধুর সমান ।
 রামেরে করিল স্ত্রী মিন্ট কথা কয়ে,
 কাঁধে করে গেল পরে দুজনেরে লয়ে ।
 স্ত্রী রামের কাছে জোড় হাতে কয়,
 'দয়া করে মোর মিতা হও মহাশয় ।
 কত দুঃখ দিয়া বালী দিল তাড়াইয়া,
 রাজা কর মোরে রাম তাহারে মারিয়া ।'
 শ্রীরাম কহেন তারে, 'আমি তাই চাই
 হইতে তোমার মিতা এনু এই ঠাই ।
 বালীরে মারিয়া রাজা করিব তোমায়,
 দয়া করে দাও মিতা খুঁজিয়া সীতায় ।'
 স্ত্রী কহিল, 'মিতা, নাহি কোনো ভয়
 সীতারে খুঁজিয়া মোরা আনিব নিশ্চয় ।
 সেদিন রাবণ গেল এইখান দিয়া,
 দেবতার মতো এক মেয়েকে লইয়া ।
 কেঁদেছিল সেই কন্যা তোমাদের ডাকি,
 সকলে শুনিবু মোরা এইখানে থাকি ।
 ফেলি গেল অলঙ্কার মোদের দেখিয়া
 মতন করিয়া তাহা দিয়াছি রাখিয়া ।'
 কতই কাঁদেন রাম দেখে অলঙ্কার,
 'সীতা, সীতা' বলে বুক ফাটে যেন তাঁর
 স্ত্রী কহিল তাঁরে, 'কাঁদিয়ে না মিতা,
 নিশ্চয় কহিবু, মোরা এনে দিব সীতা ।'
 তখন রামের বড় স্ত্রী হল মনে,
 হাসিয়া কহেন কথা স্ত্রীরেবের সনে ।

স্ত্রীকীৰু কহিল, ‘মিতা, বড় ভয় পাই,
 বালীৰ সমান বীৰ কোথাও যে নাই ।
 তুন্দুভি দানবে বালী ফেলে দিল ছুঁড়ে,
 যোজন দূৰেতে এসে পড়িল সে উড়ে ।
 ঐ দেখ পড়ে সেই তুন্দুভিৰ হাড়,
 দেখ, তায় কত বড় হয়েছে পাহাড় ।
 হেসে বালী শাল গাছ ফেঁড়ে শূল দিয়া,
 পৰ্বতের চূড়া লয়ে খেলে সে লুফিয়া ।
 তুন্দুভিৰ হাড় তুমি পার কি ছুঁড়িতে ?
 তীৰ মারি শালগাছ পার কি ফুঁড়িতে ?’
 পায়ের আঙুলে রাম সেই হাড় ঠেলে,
 দিলেন যোজন দশ দূরে তাহা ফেলে ।
 গাঁথা গেল সাত শাল তাঁর এক তীরে,
 পৰ্বত পাতাল ফুঁড়ে এল তাহা ফিরে ।
 তখন স্ত্রীকীৰু ধরি শ্ৰীৰামের পায়,
 নাচিতে-নাচিতে ধূলা লইল মাথায় ।
 যত ভয় ছিল তার, গেল, দূর হয়ে,
 চলিল সে কিষ্কিন্দ্যায় শ্ৰীৰামেরে লয়ে ।
 লাফায়ে-লাফায়ে সেথা করে গরজন,
 ‘কোথা গেলে ওহে দাদা ? এস না এখন ।’

সে ডাক শুনিয়া বালী সহিবে কেমনে ?
 ঝড়ের মতন ছুটে এল সেই ক্ষণে ।
 দুজনে বিষম যুদ্ধ হল তারপর,
 কিবা তার লাথি কিল অঁচড় কামড় ।

চিপ, ঠাস, ধূপ, খট, ঘোঁৎ, ছপ, ধাঁই
 কত শব্দ হল তায়, শেষ তার নাই ।
 হেথায় দাঁড়ায়ে রাম তীর হাতে নিয়া,
 বালীরে মারিতে চান সেই তীর দিয়া ।
 কিন্তু তিনি পড়েছেন বড় ভাবনায়,
 কে বা বালী, কে বা মিতা, বুঝা নাহি যায় ।
 বালীরে মারিতে পাছে মিতা যায় মরে,
 বাণ না মারেন রাম এই ভয় করে ।
 কিল গুঁতা খেয়ে মিতা ছুটে এল হটে,
 হাঁপায়ে রামেরে আসি কহিল সে চটে,
 ‘এই মোর মিতা তুই ! এই তোর কাজ !
 তোর লাগি এত কিল খাইলাম আজ ।’
 শ্রীরাম বলেন, ‘মিতা করিও না রোষ,
 চিনিতে নারিন্তু তোরে তাই হল দোষ ।
 গলেতে বেঁধে এই লতা যাও তুমি ফিরে
 মারি কি না মারি দেখ তখন বালীরে !’
 স্ত্রীবে সে লতাখানি পরিল গলায়,
 চেষ্টায়ে ডাকিল পরে, ‘আয়, দাদা আয় !’
 আবার বিসম যুদ্ধ করিল দুজন,
 রামের বাণেতে বালী মরিল তখন ।
 এ মতে বালীরে মারি শ্রীরাম ত্বরায়,
 স্ত্রীবে কেরিলেন রাজা কিক্কিন্দ্র্যায় ।
 অঙ্গদেরে সুবরাজ করিলেন পরে
 সে হয় বালীর পুত্র ভারি বল ধরে ।
 তখন ছুটিল যত বানরের দল,



ধূলা উড়াইয়া আর করি কোলাহল ।
 দেশে-দেশে ফিরি তারা খুঁজিল সীতারে,
 পর্বতে নগরে বনে সাগরের পারে ।
 খুঁজিয়া-খুঁজিয়া পূবে পশ্চিমে উভরে,
 কোথাও না পেয়ে তাঁরে ফিরে এল ঘরে ।
 দক্ষিণের লোক ফিরে আসেনি কেবল,
 সেথা গেছে হনুমান লয়ে তার দল ।
 আঙ্গুটি খুলিয়া রাম দিয়াছেন তারে,
 পাইলে সীতার দেখা দেখাতে তাঁহারে ।
 খুঁজেছে নদীর তীরে, পর্বতের উপরে,
 ঘন বনে, অন্ধকার গুহার ভিতরে ।
 কোথাও সীতার দেখা না পাইয়া তারা
 সাগরের ধারে আসি কেঁদে হল সারা ।
 বলে, 'আর কোন মুখে ফিরে যাব ঘরে ?
 না খেয়ে মরিব মোরা এইখানে পড়ে ।'

তখন কি হল, সবে শুন মন দিয়া
 সেইখানে ছিল পাখি সম্প্রতি বসিয়া ।
 পাখা নাই তার, তাই উড়িতে না পারে,
 সেথায় বসিয়া থাকে সাগরের ধারে ।
 বানর এসেছে এত, দেখিয়া সম্প্রতি,
 তাদের সকল কথা শোনে কান পাতি ।
 বানর বসিল সেথা মরিবার তরে,
 পাখি বলে, 'বেশ হল, খাব পেট ভরে ।'
 বানর কহিল যবে জটায়ুর কথা,

শুনিয়া বড়ই মনে পাইল সে ব্যথা ।
 বানর সীতার কথা কহিল যখন,
 সম্প্রতি কহিল, 'তঁারে নিয়েছে রাবণ ।
 একশো যোজন এই রয়েছে সাগর,
 তারপরে লক্ষা, সেথা রাবণের ঘর ।
 সূর্যের তেজেতে পাখা পুড়িল আমার,
 সীতার সংবাদ দিলে হবে তা আবার ।
 নিশাকর মুনি এই কহিল আমারে
 সেই হতে বসে আছি সাগরের ধারে ।'
 তখন দেখিল চেয়ে যতেক বানর,
 সম্প্রতির লাল পাখা হইল স্নন্দর ।
 আনন্দে আকাশে উড়ে গেল সে চলিয়া
 কোলাহল করে যত বানর মিলিয়া ।
 তখন অঙ্গদ কয় সকলেরে ডাকি,
 'এখন সাগর শুধু ডিম্বাইতে বাকি ।
 সাগর ডিম্বাবে কেবা, বল দেখি ভাই ?'
 সকল বানর তায় পায় বড় লাজ,
 বড়ই বিষম যেন লাগে সেই কাজ ।
 এমন সময় উঠি কহে জাম্ববান,
 'সাগর ডিম্বাতে পারে বীর হনুমান ।'
 চুপ করে ছিল হনু বসে একধারে,
 সাগর ডিম্বাতে কয় জাম্ববান তারে ।
 হনু বলে, 'চল যাই মহেন্দ্র পর্বতে
 সাগর ডিম্বাতে লাফ দিব সেথা হতে ।'

হনুমান বড় বীর, ডিঙ্গাবে সাগর,
 কিচির-মিচির করে যতেক বানর ।
 ফুলিয়া হইল হনু পর্বতের মতো
 গুছায়ে লইল গায় জোর ছিল যত ।
 তারপরে দুই পায়ে যেই দিল ভর,
 পর্বত নিঙাড়ি জল ঝরে ঝরঝর ।
 আকাশ ফাটিয়া যায়, উছলে সাগর,
 লাফাইল হনুমান বড় ভয়ঙ্কর ।
 মেঘের উপর দিয়া ছোট্টে যেন তারা,
 দেবতা অশ্বর সবে ভয়ে হয় সারা ।

স্বরসারে কয় ডাকি দেবতারা পরে,
 ‘দেখ তো মা, হনুমান কত বল ধরে ?’
 স্বরসা নাগের মাতা, যে-সে কেহ নয়,
 পৃথিবী গিলিতে পারে যদি মনে লয় ।
 হাঁ করে আইল সে স্বরসা নাগিনী,
 হনুমান বলে, ‘বাবা ! না জানি কে ইনি ।
 হাঁ করেছে কত ক্রোশ, দেখ চমৎকার,
 বড় যদি নাহি হই, গিলিবে এবার ।’
 ফুলে ওঠে হনুমান মনে ভয় পেয়ে
 স্বরসা হাঁ করে ঢের বড় তার চেয়ে ।

ফুলে-ফুলে হয় হনু নব্বুই যোজন,
 হাঁ করে যোজন শত সুরমা তখন ।
 হনু বলে, 'তাই তো রে, গিলিবেই নাকি ?
 সে হবে না ঠাকরণ—হনু জানে কীকি ।'
 শরীর গুটায়ে হনু লইল তখন,
 পলকে হঠল তেলাপোকর মতন ।
 বাঁ করে ঢুকিল গিয়া সুরসার মুখে,
 তখনি বাহির হয়ে পলাইল স্বেখে ।
 ঠকিয়া সুরমা হাসি ফ্যাল-ফ্যাল চায়,
 কোথা দিয়ে গেল হনু ভাবিয়া না পায় ।
 ডাকিয়া কহিল তারে, 'যাও বাছাধন
 নির্ভয়ে নিজের কাজ করগে এখন ।'
 বলিয়া সুরমা যায় আপনার দেশে
 আকাশে ছুটিয়া হনু যায় হেসে-হেসে ।

সিংহিকা রাক্ষসী এল সুরসার পরে,
 মুখ মেলি হনুমান গিলিবার তরে ।
 হনু বলে, 'বুড়ি তুই ভালো ভোজ খাবি,
 অসুখ না হয় পরে, তাই শুধু ভাবি ।'
 ছোট হয়ে গেল হনু রাক্ষসীর পেটে,
 নাড়ি ভুঁড়ি সব তার নখে দিল কেটে ।
 হাঁ করে রাক্ষসী মরে, হাসে দেবগণ,
 আকাশে ছুটিয়া হনু যায় ততক্ষণ ।
 লঙ্কার সোনার পুরী দেখে তারপরে,
 ঝলমল করে তাহা জলের উপরে ।

হনু ভাবে, 'বড় হয়ে যদি সেথা যাই,
 রাক্ষসে করিবে দেখি ভারি কাঁই-মাই।'
 খুব ছোট হয়ে তাই, পাখির সমান,
 ত্রিকূট পর্বতে গিয়া নামে হনুমান।
 লুকায়ে রহিল বনে দিনের বেলায়,
 আঁধার হইলে গেল খুঁজিতে সীতায়।

চুপি-চুপি যায় হনু, ছোট হয়ে ভারি,
 বিকট রাক্ষসী তায় দেখে এল তাড়ি।
 গালি দিল ছশো দাঁত করি কড়মড়,
 তালগাছপানা হাতে কষে দিল চড়।
 হনু তারে এক কিল দিল বাম হাতে,
 পড়িল রাক্ষসী মুখ সিঁটকায়ে তাতে।
 তখন খুঁজিয়া হনু ফেরে ঘরে-ঘরে,
 কত মাঠে, কত পথে, রথের উপরে।
 মন্দিরে-মন্দিরে খোঁজে, ঘাটে আঙিনায়,
 কোথাও সীতায় নাহি দেখিবারে পায়।
 হনু বলে, 'হায়-হায় ! বুঝিনু এখন,
 নিশ্চয় খেয়েছে তাঁরে অভাগা রাবণ।'
 কত সে কাঁদিল, ভাবি এই কথা মনে
 তারপরে এল এক অশোকের বনে।
 সেই বনে গিয়া হনু দেখিল সীতায়,
 কেবলি কাঁদেন তিনি পড়িয়া ধূলায়
 ময়লা কাপড় তাঁর, আলুথালু চুল
 রাক্ষসে ঘিরেছে তাঁরে লয়ে শেল শূল।

হনু বলে, 'এই সীতা, চিনিহু এখন,
 ইঁহায়েই সেইদিন আনিল রাবণ ।'
 বিকট রাঙ্কসী হনু দেখিল সেথায়,
 ভালুকের মতো রেঁয়া তাহাদের গায় ।
 বাঘমুখী কেউ, কারু গোদ বড় ভারি,
 কারু শিঙ, কারু শুঁড়, কেউ নাড়ে দাড়ি ।
 কারু নেই মাথা, আর কেহ এক-পেয়ে,
 উটপানা, বকপানা আছে কত মেয়ে ।
 সীতারে ঘিরিয়া তারা খিঁচাইছে দাঁত,
 কিল দেখাইছে, তুলি এই বড় হাত ।
 রাবণ সীতারে আসি কত কথা কয়
 রাঁধিয়া খাইবে বলি দেখায় সে ভয় ।
 ছিঁড়িয়া খাইতে চায় রাঙ্কসীরা তাঁরে,
 কুড়াল তুলিয়া তাঁরে যায় মারিবারে ।
 সীতা কন, 'তাই হোক ওরে বাছাগণ,
 মারিলে তো যাঈ বেঁচে মার এই ক্ষণ ।'

গাছে বসে হনুমান দেখিছে সকল,
 কেমনে কহিবে কথা ভাবিছে কেবল ।
 এমন সময় সীতা এলেন সেখানে,
 কত স্মৃথ হল তাঁর পেয়ে হনুমানে ।
 রামের অঙ্গুরী দিয়া হনু কয় তাঁরে,
 'কাঁধে ওঠ, যাই মাগো লইয়া তোমায়ে ।'
 সীতা কন, 'বাছা তুই এতটুকু হয়ে
 কেমনে যাইবি বল মোরে কাঁধে লয়ে ?'

শুনিয়া তাঁহার কথা হেসে হনুমান,
 দেখিতে-দেখিতে হয় পর্বত সমান ।
 সীতা কন, 'বুঝিলাম, ভারি বল তোর,
 কিন্তু বাছা, মাথা যে রে ঘুরে যাবে মোর ।'
 হনু কয়, 'তবে মাতা কাজ নেই গিয়া,
 রাম লক্ষ্মণেরে মোরা হেথা আসি নিয়া ।
 একখানি অলঙ্কার দাও মা আমারে,
 রামের নিকট গিয়া দেখাইতে তাঁরে ।'
 শুনিয়া মাথার মণি দেন সীতা খুলি,
 বিদায় হইল হনু লয়ে পদধূলি ।
 যাবার সময় হনু মনে-মনে কয়,
 'রাক্ষস কেমন বীর না দেখিলে নয় ।'
 ছপ-ছাপ, ধূপ-ধাপ করি তারপর,
 অশোকের বন হনু ভাঙে মড়মড় ।
 বড়-বড় গাছ তোলে দিয়া এক টান,
 গাছ দিয়া বাড়ি-ঘর করে খান-খান ।
 তখন রাক্ষস যত করি 'মার-মার,'
 ক্ষেপিয়া আইল লয়ে ঢাল তলোয়ার ।
 হনু বলে, 'জয় রাম ! কে মারিবি আয় ।'
 শতক রাক্ষস মরে তার এক ঘায় ।
 যত আসে তত মরে, তবু আসে আর,
 সাগরের ঢেউ যেন, শেষ নাই তার ।
 'জয় রাম ! জয় রাম !' হাঁকে হনুমান ।
 রাক্ষসের মাথা পড়ে হয়ে খান-খান ।
 হাতি দিয়া হাতি মারে, ঘোড়া দিয়া ঘোড়া,

রাক্ষসে রাক্ষস ঠোকে লয়ে জোড়া-জোড়া ।
 জাম্বুমালী, বিরূপাক্ষ, ভাসকর্ণ আর,
 দুর্ধর প্রবসে মারি করে চুরমার ।
 যুপাক্ষের হাড় ভাঙে শাল গাছ দিয়া,
 অক্ষেরে করিল গুঁড়া সানে আছাড়িয়া ।

রাবণের ছেলে অক্ষ মরিল যখন
 বড় ছেলে ইন্দ্রজিতে পাঠাল রাবণ ।
 বড় শঠ সেই বেটা, ভারি ফন্দি জানে,
 ব্রহ্মাস্ত্রে বাঁধিল আসি বীর হনুমানে ।
 হনু ভাবে, ‘লয়ে যাক রাবণের কাছে,
 দেখে নিব, পেটে তার কত বিঘা আছে ।’
 তখন রাক্ষস যত ছুটে গেল নাচি
 হনুরে বাঁধিল কষে আনি কত কাছি ।
 তায় কি হইল, সবে শুন মন দিয়া—
 ব্রহ্মাস্ত্র খুলিয়া গেল দড়িতে ঠেকিয়া ।
 দড়ি ঠেকাইতে কভু না হয় সে বাণে
 অবোধ রাক্ষসগণ তাহা নাহি জানে ।
 হাততালি দিয়া তারা হাসে থিলি-থিলি,
 ‘হেঁইয়ো, হেঁইয়ো !’ বলি টানে সবে মিলি ।
 চিমটি কাটিছে কত কি হবে তা কয়ে,
 এই মতে রাবণের কাছে গেল লয়ে ।
 যতক রাক্ষস ছিল সভার ভিতরে,
 হনুরে দেখিয়া তারা রহিল হঁা করে ।
 তারা বলে, ‘আরে বাপ ! কি বড় বান্দর !

কেনরে আসিলি তুই ? কোন দেশে ঘর ?
 বোনটি ভাঙিলি কেনে ? কে পাঠালে তোরে ?
 মিছাটি কহিবি য়েবে, খাব তোরে ধরে ।’
 হনুমান বলে, ‘আমি শ্রীরামের দূত,
 হনুমান মোর নাম পবনের পুত ।
 সীতাকে ফিরায়ে যদি না দেয় রাবণ,
 কাটিবেন মাথা তার শ্রীরাম লক্ষ্মণ ।’
 ঘুরায়ে কুড়িটা চোখ, বলিছে রাবণ,
 ‘কাট তো রে অভাগারে, কাট এই ক্ষণ ।’
 সেথা ছিল বিভীষণ, রাবণের ভাই,
 সে বলে, ‘দূতেরে কভু মারিতে তো নাই ।’
 রাবণ কহিল, ‘তবে কাজ নেই মেরে,
 লেজটি পোড়ায় তার, দে বেটাকে ছেড়ে ।’

কাপড় হনুর লেজে জড়ায় তখন,
 তেল ঢালি দিল জ্বালি সেই দুর্ফগণ ।
 হো-হো করে হনুমান হেসে তায় স্মখে,
 ঘষে দিল সেই লেজ দুর্ফদের মুখে ।
 ছোট হল তারপর, ইঁচুর যেমন
 খুলিয়া পড়িল তায় দড়ির বাঁধন ।
 অমনি লাফায়ে উঠে চালের উপরে,
 আগুন লাগায় হনু ফেরে ঘরে-ঘরে ।
 না পোড়ে শরীর তাহার সীতার কথায়
 সকল পোড়ায় হনু যাহা কিছু পায় ।

জ্বলিল আগুন ভারি করি দাউ-দাউ
ভয়েতে রাক্ষস বত করে হাউ-মাউ ।
ছুটাছুটি করে শুধু পাগলের মতো
আগুনে পুড়িয়া মরে না জানি বা কত ।

তারপর হনুমান সাগরে নামিয়া,
লেজের আগুন সব দিল নিবাইয়া ।
এমন সময় হনু ভাবে, 'হায়-হায় !
পোড়ায়ে মারিনু বুঝি মোর সীতা মায় !'
অগ্নি গেল সে ছুটে অশোকের বনে,
ভালো দেখে তার বড় সুখ পেল মনে ।
আবার পায়ের ধূলা লইয়া তাঁহার,
সাগর ডিঙায়ে হনু দলে ফিরে তার ।
আনন্দে তখন দেশে চলিল সকলে,
আকাশ ফাটিয়া যায় তার কোলাহলে ।
দেখিতে-দেখিতে হনু এসে কিঙ্কিন্যায়,
রামের পায়ের ধূলা লইল মাথায় ।
সীতার মানিক দিয়া কহিল সকল,
আনন্দেতে শ্রীরামের চোখে এল জল ।



॥ लष्काकाण्ड ॥

तारपरे मिलिया सकले,
लक्ष्म्याय चलिल दले-दले,
गणिया ना हय शेष, धूलाय छाईल देश
आकाश फाटिल कोलाहले ।

सभा मध्ये वसिया रावण
बलिछे, 'कह तो सभाजन,
एकेला वानर आसि सकलि ये गेल नाशि,
उपाय कि हईवे এখন ?'

सबे कर, 'केन कर डर ?
लाखो माल वान्किहव कोश्वर,
हेथेर लिवेक भारि, वान्दर दिवेक मारि,
तुई थक वसे गदिपर !'

सेइथाने छिल विभीषण,
बिनये से कहिल तखन,
'सीतारे राखिले धरे, सकले मरिव परे,
फिराये देह गो एइक्षण ।'

ভালো কথা কহিল যে জন,
গালি দিল তাহারে রাবণ,
মনের দুঃখেতে তাই, গিয়া শ্রীরামের ঠাঁই,
বন্ধু তাঁর হল বিভীষণ ।

তারপরে যতক বানর
বড়-বড় আনিল পাথর
গাছ কত ভারি-ভারি, আনে তা কহিতে নারি,
তাহে নল বাঁধিল সাগর ।

নলের কি বুদ্ধি চমৎকার
তেমন দেখেনি কেহ আর
জলের উপর দিয়া দিল সেতু বানাইয়া
সাগর হইল সবে পার ।

লঙ্কাপুরী ছাইল বানরে
কাঁপে মাটি তাহাদের ভরে ।
কে কবে দেখেছে এত গাছে পাতা নাই তত
দেখিয়া রাবণ কাঁপে ডরে ।

তবু তো সে বড়াই না ছাড়ে,
বলে, 'কেবা মোর সাথে পারে ?'
মুকুট মাথায় দিয়া, কিবা বুক ফুলাইয়া,
দাঁড়ায়েছে লঙ্কার ছয়ারে ।

সুগ্রীব তা দেখিল চাহিয়া
অমনি এল সে লাফ দিয়া,
রাবণের ঘাড়ে এসে, পড়িল সে হেসে-হেসে
দিল তার বড়াই ভাঙিয়া ।

হায়-হায় ! কহিল সকলে
রাবণ তো গেল রেগে জ্বলে
কাড়িয়া মুকুট তার, সাজা কিছু দিয়া আর,
হাসিয়া সুগ্রীব গেল চলে ।

পরেতে অঙ্গদ বীর গিয়া
রাবণেরে কহে গালি দিয়া,
‘তুই বেটা পাবি সাজা, বিভীষণ হবে রাজা,
যুদ্ধ কর বাহিরে আসিয়া ।’

বড় তাই চটিয়া রাবণ
‘কাট ! কাট !’ কহিল তখন
হাঁই-মাঁই করি তায়, অঙ্গদে ধরিতে যায়
চারি বেটা যমের মতন ।


তার। এল ‘হাঁই-মাঁই’ বলে,
সে তাদেরে পুরিল বগলে,
‘রাম জয়’ বলি তবে, আছাড়ি মারিল সবে
তারপর ঘরে এল চলে ।

তখন হইল যুদ্ধ বড় ভয়ঙ্কর,
 না জানি মরিল কত রাক্ষস বানর ।
 দিন নাই, রাত নাই, করে কাটাকাটি,
 রক্তেতে বহিল নদী, লাল হল মাটি ।
 ‘মার-মার’ ‘কাট-কাট’ মহা গগুগোল,
 অস্ত্র করে ঝনঝন, বাজে ঢাক ঢোল ।
 হেথায় রামের বাণ ছোটে যেন তারা,
 পলায় রাক্ষস তায় হয়ে দিশাহারা ।
 অঙ্গদ রুঘিয়া গেল দেখি ইন্দ্রজিতে,
 পিষিল সারথী তার বিষম লাথিতে ।
 তাহে ছুঁই ইন্দ্রজিত পেয়ে বড় ডর,
 মেঘে লুকাইয়া যুদ্ধ করে তারপর ।

শুন বলি হল তায় কি যে সর্বনাশ,
 চোর বেটা মারে বাণ নাম নাগপাশ ।
 বড়-বড় অজগর ছুটে এল তায়,
 বিষম জড়াল রাম লক্ষ্মণের গায় ।
 সাপে বাঁধা ছুই ভাই নড়িতে না পান,
 বাণেতে তাঁদের ছুঁই করিল অজ্ঞান ।
 ঘরে গিয়া তারপর কয় রাবণেরে,
 ‘মানুষ দুটাকে আমি আসিয়াছি মেরে !’
 হেথায় কি হল তাহা শুন মন দিয়া—
 কাঁদিলে সকলে রাম লক্ষ্মণে ঘিরিয়া ।
 আইল গরুড় পাখি তখন সেথায়,

সাপেরে দেখিলে ধরে অমনি সে খায় ।
 জটায়ুর জ্যেষ্ঠা সে যে, ভারি ভয়ঙ্কর,
 উড়িলে পর্বত কাঁপে, বড় বয় ঝড় ।
 তারে দেখি অজগর ছুভাইকে ছাড়ি,
 ‘বাপ!’ বলি পলাইয়া গেল তাড়াতাড়ি ।
 গরুড়ে করেন রাম কতই আদর,
 উঁচু লেজ করি নাচে যতেক বানর ।
 কিচির-মিচির শূনি কহিছে রাবণ,
 ‘রাম তো মরিল, তবে গোল কি কারণ?’
 রাক্ষসেরা কয়, ‘আরে রামা হল চান্দা,
 চিল্লায়ে বান্দর বেটা নাচে ধিস্পা তান্দা ।’
 শূনিয়া রাবণ বলে, ‘সব হল মাটি,
 কোথারে ধূত্রাক্ষ ! এস বেটাদের কাটি !’
 ধূত্রাক্ষ চলিল তায় গদা হাতে নিয়া,
 বাঘমুখে গাধা সব রথেতে জুড়িয়া ।
 সঙ্গেতে রাক্ষস কত লেখা-জোখা নাই ।
 দাঁত কড়মড়ি তারা করে হাঁই-মাই ।
 ছোট-ছোট বানরের তেজ বড় ভারি,
 রাক্ষসের হাড় ভাঙে কিল চড় মারি ।
 ক্ষেপিল ধূত্রাক্ষ তায় যমের মতন,
 ভয়েতে মর্কট যত পলায় তখন ।
 ছোট বানরের দল যায় পলাইয়া,
 দূর হতে হনুমান দেখিল চাহিয়া ।
 অমনি আনিয়া এক পর্বতের চূড়া,
 ধাঁই করি ধূত্রাক্ষেরে করিল সে গুঁড়া ।

বড়ই বিষম যুদ্ধ বানরেরা করে,
 রাক্ষসেরে নাহি দেয় ফিরে যেতে ঘরে ।
 থাপ্পড় লাগায় ভারি, ছিঁড়ে নাক কান,
 গলায় জড়ায়ে লেজ কষে দেয় টান ।
 যেই আসে তারে মারে, নাহি করে ভয়,
 মাথাটি ফাটায় তার বলে 'রাম জয় !'
 বজ্রদংশু, অকম্পন, যুদ্ধে যেন যম,
 কুম্ভহনু, নরাস্তক, নহে কেহ কম ।
 প্রহস্ব কেমন বীর, কি হবে তা বলে ?
 বানরের হাতে এরা মরিল সকলে ।
 কেমনেতে ঘরে বসে থাকিবে রাবণ ?
 নিজেই আসিল তাই লয়ে লোকজন ।
 ইন্দ্রজিত, অতিকায় সাথে এল তার,
 ত্রিশিরা, নিকুম্ভ, কুম্ভ, মহোদর আর ।
 লাফায়ে বানর ধায় পর্বত লইয়া,
 রাক্ষসের মাথা তায় দেয় ফাটাইয়া ।
 রাগিয়া রাবণ মারে চোখা-চোখা বাণ,
 পর্বত ভাঙিয়া তায় হয় খান-খান ।
 বড় যুদ্ধ করে বেটা ভূতের মতন,
 আঁটিতে নাহিক তারে পারে কোনোজন ।
 স্ত্রীঘীব অজ্ঞান হল বৃকে বাণ ফুটে,
 গবয়, ধাম্বব, নল, পলাইল ছুটে ।
 কিল বাগাইয়া তাই এল হনুমান,
 দুজনে হইল যুদ্ধ সমান-সমান ।
 দুজনে মারিল সে কি যে-সে কিল-চড় ?



অন্য লোক হলে তায় ভাঙিত পাঁজর ।
 বড় বীর ছিল তাই মরে নাই তারা,
 ব্যথায় চেষ্টায়ে কিন্তু হয়েছিল সারা ।
 তখন রাবণ দিল হনুমানে ছাড়ি,
 নীলেরে মারিতে পরে গেল তাড়াতাড়ি ।
 দুইজনে হল যুদ্ধ বড়ই বিষম,
 বড় চটপটে নীল ছুঁ চোবাজি মতো,
 চোখের পলকে লাফ দেয় দুই শত ।
 ছুটে উঠে রাবণের রথের চূড়ায়,
 চিপ করে পড়ে নীল বেটার মাথায় ।
 তিড়িঙ-বিড়িঙ নাচি ফেরে হেথা-হোথা,
 রাবণ পড়িল গোলো—বাণ মারে কোথা ?
 হাসিল বানর সব, চটিল রাবণ,
 ভয়ঙ্কর বাণ হাতে লইল তখন ।
 অজ্ঞান হইয়া নীল পড়িল সে বাণে,
 ধাইয়া রাবণ গেল লক্ষ্মণের পানে ।
 দুইজনে ভারি বীর, কেহ নয় কম ।
 রাবণ লক্ষ্মণে মারে কড়মড়ি দাঁত,
 লক্ষ্মণ করেন তারে বাণে চিৎপাত ।
 তখন রাগেতে বেটা কাঁপে থরথর,
 ছুঁড়িয়া মারিল এক শক্তি ভয়ঙ্কর ।
 ব্রহ্মার নিকটে তাহা পাইল রাবণ,
 বারণ করিতে নারে কোনোজন ।
 পড়িল আসিয়া শক্তি বজ্রের সমান,
 বুকে বিঁধি লক্ষ্মণেরে করিল অজ্ঞান !

ছুটিয়া রাবণ তায় এল তারে নিতে,
নিয়ে যাবে দূরে থাক, নারিল নাড়িতে
এমন সময় এসে বীর হনুমান,
এক কিলে অভাগারে করিল অজ্ঞান ।
লক্ষ্মণেরে তারপর কোলেতে করিয়া
রামের নিকট তাঁরে গেল সে লইয়া ।
আপনি তখন শক্তি পাড়ে গেল খুলে,
হেসে উঠিলেন তিনি সব দুঃখ ভুলে ।

নিজেই তখন রাম লয়ে ধনু-শর,
রাবণেরে দিতে সাজা চলেন সত্বর ।
পিঠে করে লয়ে তাঁরে যায় হনুমান,
বাগে পেয়ে তারে ছুঁক কমে মারে বাণ
হনুরে মারিয়া বাণ কত হবে কাজ ?
শ্রীরামের বাণ খেয়ে বাঁচুক তো আজ ।
রথ ঘোড়া সব ভার গেল তাঁর বাণে,
সারথি মরিল, নিজে মরে বৃষি প্রাণে ।
মুকুট গিয়াছে উড়ে, মাথা যায়-যায়,
অবশ হয়েছে হাত, বল নাই গায় ।
হাসিয়া তখন তারে কহিলেন রাম,
'আজি তবে ঘরে গিয়া করহ বিশ্বাম ।'
লাজে আর রাবণের কথা নাহি সরে
হেঁট করে কালামুখ পলাইল ঘরে !

বসিয়া সভার মাঝে বলিছে রাবণ,
 'উপায় কি হবে, সবে কহ তো এখন ।
 মানুষেরে ধরে খাট, নাহি করি ডর,
 কে জানে সে বেটা হয় এত ভয়ঙ্কর ?
 হায় আমি তার কাছে গেলাম হারিয়া !
 কোন বীর দিবে এই মানুষ মারিয়া ?
 শীঘ্র গিয়া কুম্ভকর্णे জাগাও এখন,
 মানুষ মারিবে সেই যদি করে মন ।'
 কুম্ভকর্ণ ভাই হয় রাবণ রাজার,
 ছুটিয়া পলায় বম দেখা পেলে তার !
 এমন বিকট জন্তু দেখে নাই কেহ,
 পাহাড়ের মতো তার ভয়ঙ্কর দেহ !
 ব্রহ্মা দিল বর, 'শুধু ঘুমাইবে' বলে,
 নহিলে গিলিয়া বেটা খাটত সকলে ।
 ছয় মাস ঘুমাইয়া জাগে একদিন,
 হাজারে-হাজারে খায় মহিম হরিণ ।
 বরের ভিতরে তার নাহি হয় ঠাঁই,
 পর্বত গুহায় গিয়া ঘুমায় সে তাই ।
 ঝড়ের মতন শ্বাস বয় নাক দিয়া,
 যে যায় নিকটে, তারে নেয় উড়াইয়া ।
 তারে জাগাইতে সব গেল তাড়াতাড়ি,
 ফুঁকিল কানের কাছে শাঁখ ভারি-ভারি ।
 তালি দিয়া চটাপট চঁেচাইল কত,
 কষে নাড়া দিল গায়, যে পারিল যত ।
 এত করি তবু তারে নারি জাগাইতে,

সকলে মিলিয়া তারে লাগিল মারিতে ।
 কষে মারে কিল-গুঁতা বত মতো হয়,
 চিমটি কাটে যে কত, বলিবার নয় ।
 দু-হাতে টানিয়া চুল ছিঁড়ে গোছা-গোছা,
 হাঁচির ভয়েতে নাকে নাহি দেয় খোঁচা !
 কানে জল ঢেলে তায় লাগায় কামড়,
 আরো নাক ডাকে তায়, ঘড়র-ঘড়র ।
 হাজার পাহাড়পানা হাতি দিয়া তবে,
 ঘুরিয়া-ঘুরিয়া তারে মাড়াইল সবে ।
 স্নখ বড় পেল তায়, চোখ মেলে তাই,
 উঠিয়া তুলিল বেটা এই বড় হাই !
 অমনি সকলে আনি খেতে দিল তারে,
 শূয়র, হরিণ, মেঘ হাজারে-হাজারে ।
 সকল করিয়া শেষ কুম্ভকর্ণ কয়,
 ‘কি লাগি জাগালে মোরে এমন সময় ?’
 জোড়-হাতে কয় সবে, ‘বড়-বড় ডর !
 মারি কাটি দিল সব, মানুষ-বান্দর !’
 তাহা শুনি কুম্ভকর্ণ চলিল স্বরায়,
 যেথায় রাবণ আছে বসিয়া সভায় ।
 ভয়েতে বানর সব, তাহারে দেখিয়া,
 ‘মাগো !’ বলি দুই লাফে যায় পলাইয়া ।

রাবণের কাছে গিয়া কুম্ভকর্ণ কয়,
 ‘কি লাগি জাগালে মোরে, কহ মহাশয় !’
 রাবণ সকল তারে কহিল যখন,

সে কহিল, 'কেন কাজ করিলে এমন ?'
 তায় কিন্তু রাবণের রাগ হল ভারি,
 যুদ্ধে তাই কুম্ভকর্ণ যায় তাড়াতাড়ি ।
 শূল হাতে ধায় সে যে পর্বতের মতো,
 বানর ধরিয়া খায়; কাছে পায় যত ।
 রুঘিয়া কামড় তারা মারে তার গায়,
 সে কামড়ে কুম্ভকর্ণ স্তম্ভ শুধু পায় ।
 বানরেরা কিছু তার করিতে না পারে,
 শরভ, পামভ, নীল সকলেই হারে ।
 অঙ্গদ অজ্ঞান হল হনু গেল হেরে,
 স্তম্ভীব পর্বত লয়ে এল তায় তেড়ে ।
 পর্বত ভাঙিল ঠেকে রাক্ষসের গায়,
 রুঘিয়া তখন বেটা শূল হাতে ধায় ।
 ভাগ্যেতে ভাঙিল শূল আসি হনুমান,
 নইলে যাইত তায় স্তম্ভীবের প্রাণ ।
 ক্ষেপিয়া উঠিল তবে কুম্ভকর্ণ ভারি
 পর্বতের চূড়া নিল তুলে তাড়াতাড়ি ।
 ঠাই করে স্তম্ভীবেরে ঠুকিল তা দিয়া,
 ঘরে লয়ে গেল তারে অজ্ঞান করিয়া ।
 জাগিয়া ভাবিল মনে বানরের রাজা,
 রাক্ষস বেটারে কিছু দিয়া যাই সাজা ।
 যেই কথা সেই কাজ করে বুদ্ধিমান,
 দাঁতে ছিঁড়ে নাক তার, হাতে ছিঁড়ে কান ।
 পায়ের আঁচড়ে নিল ছিঁড়ে দুই পাশ,
 চৌচাল রাক্ষস তায় ফাটায় আকাশ ।

বিষম ভয়েতে দিল স্ত্রীবেরে ছাড়ি,
পলায়ে বানর রাজা গেল তাড়াতাড়ি ।

বোঁচা হয়ে কুম্ভকর্ণ আইল তখন—
নাক নাই, কান নাই ভূতের মতন ।
দেখিয়া বানর সব যায় পলাইয়া,
পিছনের পানে আর না চায় ফিরিয়া ।
ধনুক ধরিয়া তায় এলেন লক্ষ্মণ,
হাসি কুম্ভকর্ণ তাঁরে কহিল তখন,
‘ছেলেমানুষেরে মারি কিবা কাজ মোর ?
মারিতে আসিনু আজ দাদাটাকে তোর ।’
গদা লয়ে ধায় বেটা শ্রীরামের পানে,
অয়নি পড়িল গদা কেটে তাঁর বাণে ।
রাগে সে তখনি তুলে লইল পাথর,
পাথর ভাঙিলে নিল লোহার মুদগর ।
ছুটিয়া রামের বাণ আসে শত-শত,
লাফায়ে বানর ঘাড়ে উঠেছে বা কত ।
আঁচড়-কামড় মেরে করিছে পাগল,
দাঁতে হাতে পায়ে চুল ছিঁড়িছে কেবল ।
কিছুতেই কুম্ভকর্ণ না হয় কাতর,
ফিরায় সকল বাণ ঘুরায়ে মুদগর !
রোষে রাম বায়ুবাণ মারেন ত্বরায়,
মুদগর সহিতে তার হাত কাটে তায় ।
ব্যথায় তখন বেটা টেঁচায় বিকট,
আর হাতে তালগাছ নিল চটপট ।

সে হাত কাটেন রাম ইন্দ্র অস্ত্র মেরে,
 তবু সে খিঁচায়ে দাঁত আসে ডাক ছেড়ে
 দুই পা কাটিল তবু যায় গড়াইয়া—
 হাঁ করি খাইতে যায় রামেরে গিলিয়া ।
 তখন বাণের ছিপি মুখে তার এঁটে,
 ইন্দ্র অস্ত্রে মাথা তার দেন রাম কেটে ।
 ভয়েতে চৌচাল তায় রাম্ফসের দল,
 আনন্দে দেবতাগণ করে কোলাহল ।
 কাঁদিয়া রাবণ কয়, ‘কি হবে উপায় ?
 ভাই বিভীষণে গালি কেন দিন্ত্র হয় !’

এমন করিয়া কত কাঁদিল রাবণ,
 বড়-বড় ছয় বীর সাজিল তখন ।
 চলে সাজি অতিকায়, ত্রিশিরারে নিয়া,
 দেবাস্তক, নরাস্তক চলিল সাজিয়া ।
 মহাপার্শ্ব, মহোদর চলিল দুজন,
 ভারি যুদ্ধ করে তারা মিলিয়া তখন ।
 বানরের কিল খেয়ে মরে গেল পরে,
 শুধু অতিকায় বীর সহজে না মরে ।
 ‘অক্ষয় কবচ’ এক আছে তার গায়,
 শেল, শূল, তীর, কিছু নাহি বিঁধে তায় ।
 লক্ষ্মণ মারেন বাণ বাছিয়া-বাছিয়া,
 কবচে ঠেকিয়া সব আইসে ফিরিয়া ।
 তখন পবন এসে কন তাঁর কানে.
 ‘ব্রহ্মাস্ত্র মারহ, বেটা মরিবে সে বাণে ।’

তখন লক্ষ্মণ ছুঁড়ে মারেন সে বাণ,
তাহা দেখি রাক্ষসের উড়িল পরান ।
শত অস্ত্র মারি তাহা নারে ফিরাইতে,
মাথা কাটি পড়ে তার দেখিতে-দেখিতে

রাতে এল উদ্ভিজিত মেঘে লুকাইয়া,
লুকায়ে মারিল বাণ আড়ালে থাকিয়া ।
বাণেতে অজ্ঞান হয়ে পড়িল সকলে,
হাসিতে-হাসিতে তার গেল বেটা চলে ।
লক্ষ্মায় ফিরিয়া বেটা কয় তারপর,
'মারিয়া আসিনু দত মানুষ-বানর ।'

হেথায় পড়েছে সবে হয়ে অচেতন
বাকি শুধু হনুমান আর বিভীষণ ।
সবারে খুঁজিয়া তারা ফেরে আলো নিরা,
না জানি কোথায় কেবা রয়েছে পড়িয়া ।
মরার মতন ঐ পড়ে জাম্বুবান
চাহিতে না পারে, চোখে বিঁধিয়াছে বাণ ।
কহিল অনেক কক্ষে চিনি হনুমানে,
'তুমি বাঁচাইলে আজি বাঁচি হে পরানে ।
ডিঙ্গাইয়া হিমালয় বাণ বাছাধন,
কৈলাস পর্বত পাবে দেখিতে তখন ।
আর এক পরবত পাবে তার কাছে,
চারিটি ঔষধ বাছা সেইখানে আছে ।
বিশল্যকরণী আর মৃত্যুসঞ্জীবনী,

আর যে সন্ধানী আর স্তবর্ণকরণী ।
 এ চারি ঔষধ নিয়া আইস ত্বরায়,
 নহিলে আজ তো আর না দেখি উপায় ।’
 আকাশে ছুটিল হনু, বাড় যেন বয়,
 চোখের পলকে পার হল হিমালয় ।
 তখন দেখিল হনু, ঔষধ সকল,
 কৈলাসের কাছে ঐ করে বলমল ।
 পরে যে কোথায় তারা লুকাইল হায়,
 কাছে গিয়া হনু আর খুঁজিয়া না পায় ।
 হনুমান বলে, ‘আমি তায় নাহি ভুলি—
 পর্বত মাথায় করে লয়ে যাব তুলি ।’
 এতেক বলিয়া রোষে বীর হনুমান,
 পর্বত ধরিয়া দিল কষে এক টান ।
 চড়চড় করি তায় এল তাহা উঠি,
 মাথায় লইয়া তারে যায় হনু ছুটি ।
 লঙ্কায় সে ফিরে যেই এল তাহা নিয়া,
 ঔষধের গন্ধে সবে উঠিল ঝাঁচিয়া ।
 আনন্দে বানর গায় নেচে আর হেসে,
 পর্বত লইয়া হনু রাখে তার দেশে ।

সেদিন সন্ধ্যায় মিলে বানর সকল
 লঙ্কায় আগুন লয়ে যায় দলে-দল ।
 হনু বাকি রেখেছিল যাহা পোড়াইতে,
 সকল করিল ছাই দেখিতে-দেখিতে ।

ভয়েতে রাক্ষসগুলি হইল পাগল,
 কপাল চাপড়ি তারা টেঁচায় কেবল ।
 আগুন জ্বলিছে হেথা লক্ষার ভিতর,
 হোথায় চলেছে যুদ্ধ বড় ভয়ঙ্কর ।
 রাক্ষস না জানি সাজি আসিয়াছে কত,
 ক্ষেপিয়া ধাইছে তারা পর্বতের মতো ।
 বজ্রের সমান পড়ে বানরের চড়,
 তাহাতে রাক্ষস মরে করি ধড়ফড় ।
 কুম্ভ নামে এক বেটা যুদ্ধ করে ভারি,
 দ্বিবিদ, অঙ্গদ গেল তার কাছে হারি ।
 এমন সময় সেথা স্মগ্রীব আসিয়া,
 কুম্ভের ধনুকখানি লইল কাড়িয়া ।
 দুজনে তখন খুব হল ছড়াছড়ি,
 স্মগ্রীব ফেলিল তারে সাগরেতে ছুঁড়ি ।
 ভিজিয়া-তিতিয়া বেটা উঠে তারপর,
 স্মগ্রীবের বৃকে কিল দিল ভয়ঙ্কর ।
 তখন স্মগ্রীব তারে দিল এক কিল,
 গুঁড়া হল কুম্ভ তায় হয়ে তিল-তিল ।
 রাগেতে কুম্ভের ভাই নিকুম্ভ তখন,
 পরিষ লইয়া ধায় অশ্বর যেমন ।
 ঠেকিয়া হনুর বৃকে সে পরিষ তার,
 বালির হাঁড়ির মতো হয় চুরমার ।
 রোষেতে নিকুম্ভ তায় ধরি হনুমানে,
 টানিয়া চলিল তারে লয়ে লক্ষাপানে ।
 হনু তারে এক কিল মারিল যখন,

কুঁজো হয়ে গেল বেটা 'হ'-এর মতন ।
 তারপর হনু তার বৃকে হাঁটু দিয়া,
 মহারোমে মাথা তার ছিঁড়িল টানিয়া ।
 পরে যে আইল, তার মকরান্দ নাম,
 হাসিতে-হাসিতে তারে মারিলেন রাম ।
 আবার সে ইন্দ্রজিত এল তারপরে,
 লুকায়ে মারিল বাণ সবার উপরে ।
 রোষে রাম কন, 'আজ মারিব ইহাংরে,
 দেখিব কোথায় গিয়া দাঁচিতে সে পারে ।'
 তাহা শুনি ইন্দ্রজিত সেথা হতে গিয়া,
 মায়ার পুতুল এক এল রথে নিয়া ।
 সীতা নয়, কিন্তু তাহা ঠিক তাঁরি মতো
 'হা রাম !' 'হা রাম !' বলি কাঁদিল সে কত
 চুলে ধরে ইন্দ্রজিত নিয়ে এল তারে,
 তলোয়ার দিয়া তারে চায় কাটিবারে ।
 রুঘিয়া কহিল হনু, 'রোস ছুফ্ট চোর,
 মায়েরে কাটিলে আজ রক্ষা নাহি তোরা ।'
 সে কথায় ইন্দ্রজিত নাহি দেয় কান,
 কাটিয়া মায়ার সীতা করে ছুই খান ।
 তখন কাঁদিল সবে হায়-হায় করি,
 'সীতা, সীতা !' বলে রাম দেন গড়াগড়ি ।
 বুঝায়ে তখন তাঁরে কহে বিভীষণ,
 'সীতারে কেটেছে, তাহা হয় কি কখন ?
 ফাঁকি দিয়া ছুফ্ট বেটা ভুলায়ে তোমারে,
 নিকুস্তিলা নামে যজ্ঞ গেল করিবারে ।

সে যজ্ঞ হইলে শেষ হারাবে সবায়,
 নহিলে মরিবে নিজে, ভুল নাই তায়
 ত্বরায় ধনুক লয়ে চলহ লক্ষ্মণ,
 এ যজ্ঞ হইতে শেষ না দিব কখন ।’
 তখনি লক্ষ্মণে সাথে লয়ে বিভীষণ,
 নিকুন্তিলা যজ্ঞ যায় করিতে বারণ ।
 খেঁকায়ে রাক্ষস এল তাদের দেখিয়া,
 শব্দ শুনি ইন্দ্রজিত আসিল ছুটিয়া ।
 লাগিল বিষম যুদ্ধ তখন সেথায়,
 যজ্ঞ শেষ করা আর না হইল তায় ।
 লক্ষ্মণ হনুর পিঠে, ইন্দ্রজিত রণে,
 দুইজনে কত যুদ্ধ হয় কত মতে ।
 মারিল সারথি ঘোড়া রাক্ষস বেটার,
 হাতের ধনুক তার কাটিল ছবার ।
 নূতন সারথি আনে রথ সাজাইয়া,
 বিভীষণ ঘোড়া তার পিষে গদা দিয়া
 রোষে নিল ইন্দ্রজিত শকতি তখন,
 কাটিয়া দিলেন তাহা অমনি লক্ষ্মণ ।
 ইন্দ্র অস্ত্র মারিলেন ধনুকে জুড়িয়া,
 অস্ত্র কাটেন ইন্দ্র সেই অস্ত্র দিয়া ।
 তাহা দেখি রাক্ষসের উড়িল পরান,
 সেই অস্ত্রে মাথা তার হল দুইখান ।
 নাচিল বানর তায় ‘জয়-জয়’ বলে,
 ছন্দুভি বাজাল স্বেখে দেবতা সকলে ।
 হেথায় সবারে ডাকি কহিছে রাবণ,

‘রামেরে মারহ ঘিরি আছ যত জন ।
 যদি সে না মরে, তবু কাবু হবে তায়,
 তখন তাহারে আমি মারিব ত্বরায় ।’
 বিকট রাক্ষস যত এ কথা শুনিয়া,
 রামেরে মারিতে গেল খাঁড়া ঢাল নিয়া
 বিষম রোষেতে তারা গিয়া সেইখানে,
 চেষ্টায়ে মরিল সবে শ্রীরামের বাণে ।

আর বীর নাট রাবণের দেশে
 সকলে গিয়াছে মরে,
 নিজেই তখন চলিল রাবণ
 সাজিয়া রাগের ভরে ।
 যতেক রাক্ষস আছিল বাঁচিয়া
 সব্বারে লইল সাথে,
 দাঁত কড়মড়ি চলিল সকলে
 হাতিয়ার লয়ে হাতে ।
 রুষি শেল শূল ছুঁড়িল তাহারা
 চেষ্টায়ে থিঁচায়ে মুখ,
 আছাড়ি তাদের মারিল বানর
 পাথরে পিষিল বুক ।
 ধনুক ধরিয়ঃ ধাইল রাবণ
 রাগেতে আগুন হয়ে,
 সাঁই-সাঁই বাণ বিষম ছুঁড়িল
 বানর ভাগিল ভয়ে ।

বাণেতে তখন কাটেন লক্ষ্মণ
 ধনুক সারথি তার,
 ঠেঙায়ে ভাঙিল ভাই বিভীষণ
 ঘোড়া চারিটার ঘাড় ।
 রোষেতে রাবণ মারিল তাহারে
 শকতি ছুঁড়িয়া ভারি,
 পথের মাঝেতে দিলেন লক্ষ্মণ
 কাটি তাহা তাড়াতাড়ি ।
 ভ্রমায় রাবণ আরেক শকতি
 লইল তুলিয়া তবে,
 বলমল করি জ্বলে আলো তায়
 দেখিয়া কাঁপিল সবে ।
 মরে বুঝি হয় যায় বিভীষণ !
 কে বাঁচাবে তার প্রাণ ?
 এই ভাবি মনে রাবণে লক্ষ্মণ
 মারেন কতই বাণ ।
 রথের উপর বসিয়া রাবণ
 কাঁপে রাগে থরথর,
 জ্বলে কুড়ি চোখ বিশ পাটি দাঁত
 করে তাহা কড়মড় ।
 ছাড়ি বিভীষণে লক্ষ্মণেরি পানে
 শকতি ছুঁড়িয়া মারে,
 মহা শব্দে তাহা পড়ি তাঁর বুকে
 অজ্ঞান করিল তাঁরে ।
 'হায়-হায়' বলে বানর সকল

শকতি খুলিতে ধায়,
 বাণেতে বারণ করিল রাবণ
 হায়, কি হবে উপায় !
 কেঁদে-কেঁদে রাম তোলেন শকতি
 নিজে আসি তারপর,
 কত বাণ তাঁরে মারিল রাবণ
 তাহে নাই কিছু ডর ।
 রোষে দেহ তাঁর উঠিল কাঁপিয়া
 শকাল চোখের জল,
 ধনুকেতে বাণ সূর্যের মতন
 করি ওঠে ঝলমল ।
 আকাশ পাতাল ছাইয়া তখন
 ডাকিয়া ছুটিল বাণ,
 আধমরা হয়ে অভাগা রাবণ
 পলায় লইয়া প্রাণ ।
 সেথা ছিল বুড়া স্র্ষেণ বানর
 কবিরাজ বড় ভারি,
 হনুরে পাঠায়ে তখনি ঔষধ
 আনায় সে তাড়াতাড়ি ।
 বাস পেয়ে তার হাসিয়া লক্ষ্মণ
 স্র্ষেতে বসেন উঠি,
 অর্মানি আবার বিষম রোষেতে
 রাবণ আইল ছুটি ।
 বান-বানা-বান,
 ঘট-ঘটা-ঘট
 ঘোর যুদ্ধ হয় তায়,

তারে লয়ে তাড়াতাড়ি ।
 রথের উপরে পড়ে সে তখন
 খাবি খেতেছিল খালি,
 ঘরে গিয়া বেটা। সাহস পাইয়া
 সারথিরে পাড়ে গালি ।
 ‘ওরে বেটা গরু, কি করিলি তুই
 লোকে কি কহিবে মোরে ?
 রথ লয়ে বেটা এলি যে পলায়ে ?
 বল তো কি করি তোরে ?’
 সারথি কহিল, ‘ভাগিনি তো রাজা
 ঘোড়াকে পিলানু জন !
 যা কহিবি তুই, সে করিব মুই—
 এবে কি করি সে বল্ ।’
 হাসিয়া রাবণ কহিল তখন
 সারথিরে দিয়ে বালা,
 ‘রামকে না মারি না ফিরিব ঘরে
 চালা তুই রথ, চালা !’
 সেই যে ফিরিয়া আইল রাবণ
 আর না ফিরিল ঘরে,
 বড় কিন্তু তার কঠিন পরান !
 বেটা কি সহজে মরে ?
 মাথা কাটা গেলে তখনি আবার
 আর মাথা হয় তার,
 মারিতে তাহারে না পারেন রাম
 কাটি মাথা শতবার ।

তখন মাতলি কহিল তাঁহারে
 ‘ব্রহ্মাস্ত্র মারহ ছুঁড়ি’,
 অমনি সে বাণ লইয়া শ্রীরাম
 ধনুকে দিলেন জুড়ি ।
 পাহাড় কাঁপিল আকাশ ফাটিল,
 সাগর উঠিল তীরে,
 রাবণ বেটার বুক ভাঙি বাণ
 তখনি আইল ফিরে ।

মরিল রাবণ, যুচিল আপদ,
 ভয় না রহিল আর,
 হাসিল গাইল ছিল যত লোক,
 সুখ না হইল কার ?
 লাফায়ে-লাফায়ে নাচিল বানর
 তা-ধিন তা-ধিন করে,
 স্বরগের ফুল পড়ে ঝরঝর
 তাদের মাথার পরে ।
 যতেক রাক্ষস করি হায়-হায়
 কাঁদিল সকলে তারা,
 কাঁদে রানীগণ, নিজে বিভীষণ
 কাঁদিয়া হইল সারা ।
 সোনার দোলায় তুলিয়া রাবণে
 শ্মশানে আনিল পরে,
 চন্দনের চিতা মাজায়ে তাহারে
 পোড়াল যতন করে ।



ছুঃখিনী সীতার কথা শুন তারপর,
মায়ের চোখেতে জল ঝরে ঝরঝর
ময়লা কাপড়ে মাতা পড়িয়া ধূলায়,
এমন সময় হনু আইল সেথায় ।

হনু বলে, ‘শুন মাগো, মরিল রাবণ,
মুছ মা চোখের জল, উঠগো এখন ।’
সুখেতে সীতার মুখে কথা নাহি সরে,
পাবেন রামের দেখা এতদিন পরে !

হায় রে ছুঃখের কথা কি কহিব আর—
সেই রাম না করিল আদর সীতার !
ভ্রুকুটি করিয়া তিনি কহিলেন তাঁরে,
‘যেথা ইচ্ছা যাও সীতা, চাহি না তোমারে ।
ছিলে তুমি এতদিন রাক্ষসের সনে,
বাস কিনা ভালো আর কহিব কেমনে ?’
সীতা বলিলেন, ‘হায়, একি শুনি আজ ?
হায় রে, আমার আর বাঁচিয়া কি কাজ ?
আগুন জ্বালিয়া তবে দাও গো লক্ষ্মণ
তাহাতে পুড়িয়া সীতা মরিবে এখন !’
কাঁদিয়া লক্ষ্মণ দেন জ্বালাইয়া চিতা,
অমনি ঝাঁপায়ে তায় পড়িলেন সীতা ।
‘হায়-হায়’ করি সবে কাঁদিল তখন,
আগুন শীতল হল জলের মতন ।
না পোড়ে মায়ের চুল, না পোড়ে আঁচল
সূর্যের মতন মাতা হলেন উজল !

বতনে তখন অগ্নি কোলে লয়ে তাঁরে,
উঠিয়া কহেন আসি সভার মাঝারে,
‘লহ রাম এই সীতারে তোমার,
নাই-নাই-নাই দোষ কিছু নাই তাঁর ।’

আদরে সীতারে রাম নিলেন এবার,
তখন স্নুখের সীমা না রহিল আর ।
আনন্দ করিল কত সকলে মিলিয়া,
এলেন দেবতাগণ দশরথে নিয়া ।
পিতার পায়ের ধূলা লইয়া তখন,
ভুলিলেন সব দুঃখ শ্রীরাম লক্ষ্মণ ।
তুচ্ছ হয়ে দেবগণ শ্রীরামেরে কন,
‘কি বর চাহরে বাছা, লহ এইক্ষণ ।’
শ্রীরাম বলেন, ‘তবে দিন এই বর,
বাঁচিয়া উঠুক বত মরেছে বানর ।’
অমনি উঠিল বাঁচি বানর সকল,
প্রভাতে জাগিল যেন বালকের দল !
বালির ভিতর থেকে ওঠে লাফ দিয়া,
সাগর হইতে ওঠে লাঙুল নাড়িয়া ।

শ্রীরাম বলেন, ‘শুন মিতা বিভীষণ,
দেশে যাই, দেহ ভাই বিদায় এখন ।’
সারথি পুষ্পক রথ আনে সাজাইয়া,

হাঁসে লয়ে যায় তাহা আকাশে উড়িয়া ।
 শ্রীরাম লক্ষ্মণ সীতা উঠিলেন তাতে,
 বানর সকলে কয়, 'মোরা যাব সাথে ।'
 রাম কন, 'কি আনন্দ ! চলহ সকলে !'
 অমনি সকলে রথে ওঠে দলে-দলে ।
 সুগ্রীব অঙ্গদ ওঠে, আর জাম্ববান,
 সকল বানর লয়ে ওঠে হনুমান ।
 যতেক রাক্ষসী ওঠে বিভীষণ সনে,
 সবারে লইয়া রথ ওড়ে সেইক্ষণে ।
 যখন থামিল রথ কিক্কিন্ধ্যায় বেয়ে
 লাফায়ে উঠিল যত বানরের মেয়ে ।
 প্রয়াগে আসিল রথ লইয়া সবায়,
 সেই মুনি ভরদ্বাজ থাকেন যেথায় ।
 চৌদ্দটি বছর রাম থাকিবেন বনে
 সেই সময়ের শেষ হল সেইক্ষণে ।
 তখন বলেন রাম হনুরে ডাকিয়া,
 'অযোধ্যায় যাও বাছা সংবাদ লইয়া ।
 গুহ মিতা সনে দেখা হইবেক পথে,
 কহিয়ে আমার কথা তারে ভালোমতে ।'

আকাশে ছুটিয়া হনু যায় তাড়াতাড়ি,
 দেখিতে-দেখিতে গেল গুহকের বাড়ি ।
 সংবাদ বলিয়া তারে চলিল হুরায়,
 কাঁদেন রামেরে ভাবি ভরত যেথায় ।
 জোড় হাতে হনুমান তাঁরে গিয়া কয়,

‘দেশে আইলেন রাম শুন মহাশয় !
মোরে পাঠালেন নিতে সংবাদ তোমার,
হ্রায় দেখিবে তাঁরে, কাঁদিয়ে না আর ।’

আহা কি আনন্দ অবোধ্যা নগরে,
দেশে আসিছেন রাম এতদিন পরে !
‘কি আনন্দ ! কি আনন্দ !’ এই শুধু বলে,
রামেরে দেখিতে যায় ছুটিয়া সকলে ।
রানীগণ বান সবে দোলায় চড়িয়া,
বুড়োরা সকলে যায় নড়ি ভর দিয়া ।
রামের খড়ম দুটি লইয়া মাথায়,
ভরত সবার আগে চলেন হ্রায় ।

পথপানে চেয়ে যায় সকলে ছুটিয়া,
কোথায় রামের রথ আসিছে উড়িয়া ।
চুড়াখানি যেই তার দেখিল কেবল,
‘ঐ রাম !’ বলি সবে হইল পাগল ।
‘দেখি-দেখি, সর !’ বলে করে ঠেলাঠেলি,
খোঁড়া বেটা আগে যায় সকলেরে ফেলি ।

খামিল যখন রথ, নামিলেন রাম,
লুটায় ভরত তাঁরে করেন প্রণাম ।
খড়ম পরায়ে পায়ে বলেন তখন,
‘ফিরায়ে এখন দাদা লহ রাজ্যধন ।’

